

梅村家藏藁卷第十四

詩後集六

五言律詩六十六首

茸城客樓大風曉寒吟眺以示友聖九日玉符諸子

偶作扁舟興偏逢旅夜窮鴉啼殘夢樹客話曉樓風月落三江外城荒萬馬中空持一尊酒歌哭與誰同

遇宋子建話故友有感

對酒徐君劍披襟宋玉秋蕭條當晚歲生死隔炎洲萬里書難到三山夢可求子建傷心南去雁老淚只交流

樓聞晚角

霜角麗譙聞天邊橫海軍旗翻當落木馬動切寒雲風急城烏亂江昏野燒分何年鞞鼓急倚枕向斜曛

送錢子璧赴大名

一騎衝寒雪孤城叫晚鴉參軍雄鎮地上客相公家酒盡河聲合燈殘劍影斜信陵方下士旅思莫興嗟

過諸乾一細林山館

興極期偏誤名山識旅愁橋痕穿谷口亭影壓溪頭霞爛丹山鼎松鳴白石樓居然華燭夜先爲一峰留

神山夜宿贈諸乾一

高士能調鶴仙人得卧龍穿雲三徑杖聽月五聲鐘管樂名堪亞彭佺道自濃獨來天際住嘯詠赤城松

過徐文在西奈山莊

已棄藍田第還來瀟水濱煙開孤樹迥霜淨一峰真路曲山迎杖廊空月就人始知蕭相計留此待沉淪

細林夜集送別倩扶女郎

遠翠入頻眉輕寒袖半垂花生神女廟月落影娥池深竹微風度晴沙細履移回看下山路紅燭爲誰遲

天馬山過鐵崖墓有感

天馬龍爲友雲山鳥自飛定愁黃紙召獨羨白衣歸長卷心同苦狂歌調已非悲來吹鐵笛莫笑和人稀

陳徵君西奈山祠

通隱居成市風流白石仙地高卿相上身遠亂離前客記茶龕夜僧追筆
冢年故人重下拜酌酒向江天

橫雲

青嶂千金鑿丹樓百尺高空山開化迹異代接賢豪李氏園亭廢後近身
為諸乾一收築
世供危眺妻孥付濁醪雙眸雲背豁飛鳥敢吾逃

送聖符弟之任斬水丞四首

隨牒為人佐全家漢水東放衙廳壁冷趨府戟門雄屈宋風塵下江山醒
醉巾丈夫從薄祿莫作故園窮

其二

四十未專城除書負姓名才高方薦達地僻鮮逢迎夏簟琴牀淨春泉茗
椀清公餘臨墨沼洗筆畫圖成斬有陸羽泉右軍
洗筆池聖符善畫

其三

西上今吾弟分攜北固樓最高搔白首何處望黃州故舊忻無恙煙波感
昔游斬春有香草相寄慰離愁兼東畢協
公侍御

其四

訪俗曾經亂車過大澤鄉殘民談勝廣舊國記江黃廿載流移復三湘轉
運長正逢休息後溫詔重循良

暑夜舟過溪橋示顧伊人

深岸聽微風江清不寐中舟行人影動橋語月明空寺樹侵門黑漁燈貼
水紅誰家更吹笛歸思澗湖東

奈山遇姚翁出所畫花鳥見贈

七十忘機叟空山羨獨行只今來白石當日住青城一斗開顏笑千花洗
筆成那知牙齒落忽發浩歌聲

贈青溪蔡羽明

家傍山城住前賢定可追一經傳漢相八法繼秦碑仙是麻姑降才非唐
舉知逃名因賣藥不愧鹿門期

橋

莫設西山戍蕭條是橋官

時洞庭初增兵將

果從今歲少樹爲去年寒

昨冬大寒橋大半枯

死一絹輸將苦千頭翦伐難茂陵消渴甚只向上林看

蛤蜊

疆飯無良法全憑適口湯食經高此族酒客得誰方水斷車螯味厨空牡
蠣房江南沈昭略苦嗜不能嘗

膾殘

棄擲誠何細夫差信老饕微芒經七箸變化入波濤風俗銀盤薦江湖玉
饌高六千殘卒在脫網總秋毫

石首

採鮮諸俠少打鼓伐藏米五月三江去千金一網能尾黃荷葉蓋腮赤柳
條勝笑殺兒童語烹來可飯僧

燕窩

海燕無家苦爭啣白小魚卻供人採食未卜汝安居味入金齋美巢營玉
壘虛大官求遠物早獻上林書

海參

預使燂湯洗遲纔入鼎鑊禁猶寬北海饌可佐南烹產東萊海中故無禁莫辨蟲魚
族休疑草木名但將滋味補勿藥養餘生

比目

比目誠何恨滄波作伴游幸逃網罟厄可免別離愁小市時珍改殘書士
物收若逢封禪詔定向海邊求

得東海比目魚
可封禪見管子

鮒

舊俗漁鹽賤貧家入饌輕自慚非肉食每飯望休兵餘骨羶何附長餐臭
有情腐儒嗟口腹屬屢負昇平

過吳江有感

落日松陵道堤長欲抱城塔盤湖勢動橋引月痕生市靜人逃賊江寬客
避兵廿年交舊散把酒歎浮名

莫釐峰

始信一生誤未來天際看亂峰經數轉遠水忽干盤獨立久方定孤懷驟
已寬亦知歸徑晚老續此游難

送沈友聖漢川哭友詩四首

并序

漢川顧西嶽侍御與雲間沈山人友聖爲布衣交使吳深自折
節友聖長揖就坐箕踞狂嘯無所不敢當所居田坳蓬蔚衡門

兩版侍御出郊枉訪停車話舊一郡皆驚西嚯亡友聖徒步三
千里哭之糧盡道寒直前不顧子與友聖交厚侍御亦以友聖
之故厚予嘗三人虎丘夜飲其鄭重之意形諸圖畫見於歌詩
漢川之行惜子不能從也爰作詩寓其悲焉

士有一知己無須更不平世翻嫌鮑叔人竊罵侯生置飲忘形踞停驂廢
禮迎柴門車轍在感舊淚縱橫

其二

得信俄狂走千山一哭中葉家芒屨雪爲位草亭風兩水江聲合三生友
道空祇留黃鶴夢相見話詩翁

其三

貧賤誰曾託相逢許此身論文青眼客漬酒白衣人上壠松楸冷江山薤
露新一杯傾漢水不肯負春申

其四

徒步愁糧盡傷心是各天雲埋大別樹雪暗小孤船死友今朝見狂名到
處傳范張千里約重補入晴川

秦留仙寄暢園三詠

同姜西溟嚴蓀友顧伊人作

山池塔影

黛色常疑雨，溪堂正早秋。亂山來衆響，倒影漾中流。似有一帆至，何因半塔留。眼前通妙理，斜日在峰頭。

惠井支泉

石斷源何處，涓涓樹底生。遇風流在急，入夜響尤清。枕可穿雲聽，茶頻帶月烹。只因愁水遞，到此暫逃名。

宛轉橋

斜月掛銀河，虹橋樂事多。花欵當曲檻，石礙折層波。客子沉吟去，佳人窈窕過。玉簫知此意，宛轉采蓮歌。

慧山酒樓遇蔣翁

桑苎誰來繼，名泉屬賣漿。價應誇下若，味豈過程鄉。故老空山裏，高樓大道旁。我同何水部，漫說撥醅香。

家園次罷官吳興有感四首

世路嗟誰穩，栖遲可奈何。官隨殘夢短，客比亂山多。閉閣凝香坐，行厨載

酒過卻聽漁唱響落日有風波

其二

勝事難忘處陰晴檻外峰高臺爭出水曲塢自栽松
矢志花還放離程鶴未從白雲長澹澹猶作到時容

其三

枉殉千金諾空酌一飯恩只今求國士誰與報王孫
強問裁詩卷長歌向酒尊古人高急難歎息在夷門

其四

劇郡非吾好蕭條去國身幾年稱傲吏此日作詩人
京洛虛名誤江湖懶病真一官知己愧所得是長貧

許九日顧伊人和元人齋中雜詠詩成持示戲效其體

焦桐

流落中郎怨薰風意在開響因知己出歌爲逐臣哀
一曲尊前奏千金爨下材漢家忘厝火絕調過江來

蠹簡

飽食終何用難全不朽名秦灰招鼠盜魯壁竄銀生刀筆偏無害神仙豈
易成卻留殘闕處付與豎儒爭

殘畫

原自無多筆年深色更凋茶煙衝雨過竹粉遇風飄童懶犀從墮兒頑墨
誤描六朝金粉地落木更蕭蕭

舊劍

此豈封侯日摩挲憶往年恩仇當酒後關塞卽燈前解去將誰贈輸來弗
值錢不逢張壯武辜負寶刀篇

破硯

一擲南唐恨拋殘剩石頭江山形半截寶玉氣全收洗墨池成玦窺書月
仰鈎記會疏闕失望斷紫雲愁

廢檠

憶會同不寐棄置亦何心喜伴疏窗冷愁添老屋深書將隣火映夢共佛
燈沉莫嘆蘭膏燼應無黠鼠侵

塵鏡

舉目風塵暗全遮皓魄輝休嗟青鏡改憐我白頭非秦女妝猶在陳宮淚
仁揮不知徐孺子負局幾時歸

斷碑

妙蹟多完闕天然反失真銷亡闕世代洗刷見精神搗處懸崖險裝來斷
墨新正從毫髮辨半字亦先秦

過東山朱氏畫樓有感 并序

東洞庭以山後爲尤勝有碧山里朱君築樓教其家姬歌舞君
每歸自湖中不半里令從者據船屋作鐵笛數弄家人聞之皆
出樓西有赤欄干累丈餘諸姬十二人豔妝凝睇指點歸舟於
煙波杳靄間旣至卽洞簫細鼓諧笑並作見者初不類人世也
君以布衣畜妓晚而有指索其所愛者以是不樂遣去無何竟
卒余偶以春日過其里雖簾幙凝塵而湖山晴美樓頭有紅杏
一株倚簷欲笑容爲余言君生平愛花病困猶扶而憑酒再拜
致別諸伎中有紫雲者爲感其意至今守志不嫁嗟乎由此足
以得君之爲人矣爲題五言詩於壁上

盡說凝眸望東風徙倚身如何踏歌處不見看花人舊曲拋紅豆新愁長
白蘋傷心關盼盼又是一年春

葉君允文偕雨叔及余兄弟游寒山深處

投足疑無地逢泉細聽來松顛湖影動峰背夕陽開客過攜山榼僧歸掃
石臺狂呼聲撼木麋鹿莫驚猜

查灣西望

屢折纒成望山窗插石根溼雲低染徑老樹半侵門漁直看疑岸沙橫欲
抱村湖光猶在眼燈火動黃昏

拜王文恪公墓

舊德豐碑冷朔天敝寂寥勳名高故相經術重前朝致主惟堯舜憂時在
豎刁百年人世改野唱起漁樵

胥王廟

伍相丹青像鬚眉見老臣三江籌楚越一劍答君親雲壑埋忠憤風濤訴
苦辛生平家國恨偏遇故鄉人

查灣過友人飯

碧螺峰下去宛轉得山家
橘市人沽釀桑村客焙茶
溪橋逢樹轉石路逐灘斜
莫負籃輿興天桃已著花

寒山晚眺

驟入初疑誤沿源興不窮
穿林人漸小攬葛道微通
湖出千松杪鐘生萬壑中
晚來山月吐遙指斷巖東

翠峰寺遇友

卧疾峰腰寺欹危脚步勞
松聲侵殿冷花勢擁樓高
薄俗詩書賤空山將吏豪
時有戍將居寺中不堪從置酒白髮自蕭騷

登寒山高處策杖行崖谷中

側視峰形轉空蒼萬象陰
斷巖湖數尺絕澗樹千尋
日透玲瓏影煙生窈窕
靄心忽逢天際廣始覺所來深

沙嶺

亂峰當面立反憩得平丘
坐卧此云適歌呼不自由
支頤蒼鹿過坦腹白雲留
笑指鳥飛處有人來上頭

飯石峰

半空鳴杵日狼藉
甌山傍莫救黔黎餓
誰開白帝倉
養芝香作粒
煮石露為漿
飯顆相逢瘦
詩翁詎飽嘗

柳毅井

其地即橋社

仙井鹿盧音原泉
瀉橋林寒添玉女
恨清見柳郎
心短縷書難到
雙魚信豈沉
波瀾長不起
千尺為情深

雞山

夫差養闕雞處

飲啄丹山小
長鳴澤畔雲
錦冠虛恃氣
金距耿超羣
歛翅雌猶守
專場勝未分
西施眠正熟
啼報越來軍

廢里

在武山吳王養馬處

夫差芻秣地遺跡
五湖傳柳葉青
絲鞋桃花赤汗鞵
武山桃花為東洞庭一勝
降王羞執轡
豔妾笑垂鞭
老驥哀鳴甚
西風死骨捐

仙掌樓留別眾友

杯酒鏡湖平
持來送客行
可憐高會處
偏起故園情
煙鳥窗中滅
風帆樹杪生
遙看沙渡口
明日是離程

登東山雨花臺

白雲去何處我步入雲根一水圍山閣千花夾寺門日翻深谷影煙抹遠
天痕變滅分晴晦悠然道已深

留洞庭二十日歸自水東小港

漸覺雲天改扁舟曲曲行野橋誰繫姓村樹亦知名晚市魚蝦賤煙汀菰
米生偶逢空濶處重起舊灘聲

武山

本名虎山夫差於其地養虎
李唐諱虎爲武至今仍之

霸略誇擒縱君王置虎牢至今從震澤疑是射成臯土俗無機穽山風少
怒號千秋遺患處誰始翦蓬蒿

題郁靜巖齋前壘石

就石補奇雲潭幽亂石文貞堅應有性高下亦惟君鳥雀因人亂松杉我
獨聞苔階含古色落落自同羣

梅村家藏藁卷第十四終

梅村家藏藁卷第十五

詩後集七

七言律詩六十四首

江樓別幼弟孚台

野色滄江思不窮，登臨傑閣倚虛空。
雲山兩岸傷心裏，雨雪孤城淚眼中。
病後生涯同落木，亂來身計逐飄蓬。
天涯兄弟分攜苦，明日扁舟聽曉風。

揚州四首

疊鼓鳴笳發棹謳，梅人高唱廣陵秋。
官河楊柳誰新種，御苑鶯花豈舊游。
十載西風空白骨，廿橋明月自朱樓。
南朝枉作迎鑿鎮，難博雷塘土一丘。

其二

野哭江邨百感生，鬪雞臺憶漢家營。
將軍甲第爨弓臥，丞相中原拜表行。
白面談邊多入幕，赤眉求印却翻城。
當時只有黃公覆，西上偏隨阮步兵。

其三

盡領通侯位上卿，三分淮蔡各專征。
東來處仲無宅志，北去深源有盛名。
江左衣冠先解體，京西豪傑竟投兵。
只今八月觀濤處，浪打新塘戰鼓聲。

其四

撥盡琵琶馬上絃玉鈎斜眸泣嬋娟紫駝人去瓊花院青塚魂歸錦纜船
荳蔻梢頭春十二茱萸灣口路三千隋堤壁月珠簾夢小杜會游記昔年

過維揚弔衛少司馬紫岫

衛韓城人與余同年同官後以少司馬死揚州難

畫省連牀止論文天涯書劍忽離羣非關衛瓘需開府欲下高昂在護軍

高杰秦人朝議以紫岫同鄉拜兵部侍郎典其軍事

葬骨九原江上月思家百口隴頭雲故人搖落

邗溝暮為酌椒漿一慟君

過淮陰有感二首

落木淮南雁影高孤城殘日亂蓬蒿天邊故舊愁聞笛市上兒童笑帶刀
世事真成反招隱吾徒何處續離騷昔人一飯猶思報廿載恩深感二毛

其二

登高悵望八公山琪樹丹崖未可攀莫想陰符遇黃石好將鴻寶駐朱顏
浮生所欠止一死塵世無絲識九還我本淮王舊雞犬不隨仙去落人間

贈淮撫沈公清遠

秋風杖節賜金貂高會嚴更響麗譙去國丁年遼海月還家甲第浙江潮

書生禮樂修支雁諸將弓刀掣皂鵬最是東南資轉餉功成蕭相未央朝
淮上贈嵇叔子

湖海相逢一俊英風流中散舊家聲琴因調古須防怨詩爲才多莫近名
濁酒如淮歌慷慨蒼髯似戟論縱橫慚余亦與山公札抱病推遷累養生

過宿遷極樂庵明日晤陸紫霞年兄話舊有感

同時知己曲江游縱酒高歌玉腕駙黃葉渾隨諸子散白頭猶幸故人留
雲堂下榻逢僧飯雪夜聽鐘待客舟如此衝寒綠底事相逢無計訴離愁

白鹿湖陸墩詩

在宿遷縣東爲紫霞年兄避兵處

招提東望柳堤深雁浦魚莊買棹尋墩似謝公堪賭墅湖如賀監早抽簪
雲遮老屋容君臥月落空潭照此心百頃荷花千尺水夜涼兄弟好披襟

自信

自信平生懶是真底須辛苦踏春塵每逢墟落愁戎馬卻聽風濤話鬼神
濁酒一杯今夜醉好花明日故園春長安冠蓋知多少頭白江湖放散人

新河夜泊

百尺荒岡十里津夜寒微雨溼荆榛非關城郭炊煙少自是河山戰鼓頻

倦客似歸因望樹遠天如夢不逢人扁舟蕭瑟知無計獨倚篷牕暗愴神

將至京師寄當事諸老四首

柴門秋色草蕭蕭幕府驚傳折簡招敢向煙霞堅笑傲却貪畊鑿久逍遙
楊彪病後稱遺老周黨歸來話 聖朝自是 聖書修盛舉此身只合作
漁樵

其二

莫嗟野老倦沉淪領略青山未是貧一自弓旌來退谷苦將行李累衰親
田因買馬頻書券屋為牽船少結鄰今日巢由車下拜淒涼詩卷乞聞身

其三

匹馬天街對落暉蕭條白髮悵誰依北門待詔賚朋盛東觀趨 朝故舊
稀雪滿關河書未到月斜宮闕雁還飛赤松本是留侯志早放南山四老
歸

其四

平生蹤跡儘絲天世事浮名總棄捐不召豈能逃聖代無官敢即傲高眠
匹夫志在何難奪 君相思深自見憐記送鐵崖詩句好白衣宣至白衣

遠

讀楊文舉舊題走馬詩于郵壁漫次其韻二首

數卷殘編兩石弓書生搖筆壯懷空南朝子弟誇請將北固軍營畏阿童
江上化龍圖割據國中指鹿詫成功可憐曹霸丹青手銜策無人付朔風

其二

君是黃驄最少年驍騎凋喪使人憐當時只望勳名貴後日誰知書畫傳
十載鹽車悲道路一朝天馬蹴風煙軍書已報韓擒虎夜半新林早著鞭

過鄭州

馬滑霜蹄路又長鴉鳴殘雪古城荒河水雨入車難過野岸沙崩樹半僵
邢邵文章埋斷碣公孫樓榭付斜陽只留村酒雞豚社香火年年賽藥王

恭紀

聖駕幸南海子遇雪大獵

君王羽獵近長安龍雀刀環七寶鞍立馬山川千騎擁賜錢父老萬人看
寒 飢 霜 林 白 鹿 開 金 彈 春 酒 黃 羊 進 玉 盤 不 向 回 中 逢 大 雪 無 因 知 道 外 邊

聞撤織造志喜

春日柔桑士女歌東南杼軸待如何千金織綺花成市萬歲迴文月滿梭
恩詔只今憐赤子貢船從此罷黃河尙方玉帛年來盛早見西川濯錦多
上駐蹕南苑閱武行蒐禮召廷臣恭視賜宴行宮賦五七言絕句每體一

首應制

露臺吹角九天聞射獵黃山散馬羣練甲曉懸千鏡日翠旗晴轉一鞭雲
奇鷹出架雕弓動新兔登盤玉饌分最是小臣慚獻賦屬車叨奉羽林軍
送無錫堵伊令之官歷城

攬轡朱輪起壯圖遺民喜得管夷吾城荒戶少三男子名重人看五大夫
畫就煙雲連泰岱詩成書札滿江湖茶經水傳平生事第一泉如趵突無
元夕

諸王花萼奉宸游清路千門照夜驢長信玉杯簪戴勝昭陽銀燭擘笙篴
傳柑曲裏啼鶯到爆竹光中戰馬收却憶征南人望月金闈燈火別離愁
讀鄆城魏石生懷古詩

長安雪後客心孤畫省論文折簡呼家近叢臺推意氣山開全趙見平蕪

變時危論書千卷懷古高歌酒百壺自是漢廷真諫議蕭王陌上賦東都
送永城吳令之任

春風驛樹早聞鶯馬過梁園侯吏迎山縣尹來三月雨人家兵後十年耕
鴉啼粉堞河依岸草沒旗亭路入城會見官軍收賊壘時清今已重儒生
送安慶朱司李之任

到官春水畫橈輕天柱峰高卽郡城百里殘黎半商賈十年同榜盡公卿
雞豚塢壁山中稅鼓角帆檣江上兵亂後莫言無吏治此方朱邑最知名
送胡彥遠南還河渚

匹馬春風返故林松杉書屋晝陰陰猿愁客倦晨投果鶴喜人歸夜聽琴
我有田廬難共隱君今朋友獨何心還家早便更名姓只恐青山尙未深
江上

鐵馬新林戰鼓休十年軍府笑謠謀但虞莊躡爭南郡不信孫恩到蔡州
江過濡須誰築壘潮通滬瀆在今上海總安流蘆花一夜西風起兩點金焦萬
里愁

送顧蒨來典試東粵

客路梅花嶺外飄江山才調屬車招石成文字兵須定珠出風雷瘴自消
使者千旌開五管諸生禮樂化三苗憑君寄語征南將誰勒炎天銅柱標

送李書雲蔡閩培典試西川

柳陌征衫錦帶鉤 詔書西去馬卿游樓紫秦嶺千盤細水落巴江萬里
流兵火才人羈旅合山川奇字亂離搜莫愁沃野猶難問取得揚雄勝益
州

送山東耿中丞青藜

三經持節領諸侯好時家風指顧收岱頂磨崖看出日海邊吹角對清秋
幕中壯士爭超距稷下高賢共唱酬北道主人東郡守丹青剖策本營丘
送友人之淮安管餉

高牙鼓角雁飛天估舶千帆落照懸使者自徵滄海粟將軍輒費水衡錢
中原河患魚龍窟江左官租稷稻年聞道故鄉烽火急淮南幾日下樓船
送隴右道吳贊皇之任

笳鼓千人度隴頭使君斜控紫驪城高赤坂魚鹽塞日落黃河鳥鼠秋
移檄北庭收屬國闕兵西海取封侯請傾百斛葡萄酒玉笛關山緩帶游

恭遇

聖節次安丘劉相國韻

興慶樓前捧玉觴金張岐薛儼分行龍生大漠雲方起河出崑崙日正長
節過放燈開禁苑春將射柳幸平陽燕公上壽天顏喜親定甘泉賜宴
章

朝日壇 次韻

曉日曈曈萬象鋪六龍銜燭下平蕪石壇燿火燔玄牡露掌華漿飲渴烏
不夜城傳宣夜漏玉宮朝奉竹宮符即今東汜西崐處盡入銅壺倒景殊
李退庵侍衛奉使湖南從兵間探衡山洞壑諸勝歸省還吳詩以

送之

一官之楚復游燕歸去還乘笠澤船戎馬千山尋洞壑鶯花三月羨神仙
路穿江底聞雞犬家在湖中接水天侍御吾吳洞庭人不似少陵長作客祝融峰
下住年年

得蒲州道嚴方公信卻寄

西風對酒夢魂勞聞道蒲津著錦袍山遠塞垣長坂峻河分天地斷崖高

登樓楚客看雲樹隔岸秦人拜節旄回首舊游飛雁遠書來屢助問枚臯
送趙友沂下第南歸

秋風匹馬試登臨此日能無感慨心趙氏只應完白璧燕臺今已重黃金
鄉關兵火傷王粲京國才名識杜欽最是淮南遇搖落相思千里暮雲深
懷王奉常煙客

把君詩卷問南鴻憔悴看成六十翁老去祇應添鬢雪愁來那得愈頭風
田園蕪沒支笳懶書畫蕭條隱几空猶喜梅花開遠屋臘醅初熟草堂中
送友人從軍閩中二首

客中書劍愴離羣貫酒新豐一送君絕嶠烽煙看草檄高齋風雨記論文
中宵清角猿啼月百道飛泉馬入雲 詔諭諸侯同伐越可知勞苦有終
軍

其二

平生不識李輕車被 詔揮鞭白鼻騮簫鼓濟江催落木旌旗衝雪冷梅
花胡牀對客招虞寄羽扇麾軍逐呂嘉自是風流新制府王孫何事苦思
家

紀事

鄴杜山南起直廬從禽載筆有相如秋風講武臨熊館乙夜橫經勝石渠
七萃車徒堪討習百家圖史可佃漁上林獸簿何曾問叩馬無煩諫獵書
送汪均萬南歸

扁舟春草五湖寬歸去餘醪架未殘撥刺錦鱗初上筍團枝珠寶已堆盤
瘦瓢量水僧燒筍拳石分泥客買蘭四月山塘風景好知君端不憶長安
壽座師李太虛先生四首

放懷天地總浮鷗客裏風光爛熳收一斗濁醪還太白二分明月屬揚州
錦筍士女觴飛夜鐵笛關山劍舞秋猶有壯心消未得欲從何處訪丹丘
其二

好客從無二頃田勝游隨地記平泉解衣白日消碁局岸橫青山入釣船
故國風塵驚晚歲天涯歌舞惜流年篋中別有龍沙記不許傍人喚謫仙
其三

讀易看山愛息機閉門芳草雁還飛江湖有夢爭南幸滄海無家記北歸
煙水一竿思舊隱兵戈十口山重圍杜陵豈少安危志老大飄零感布衣

其四

廬頂談經破碧苔十年不到首重回
風清鐘鼓吳山出雲黑帆檣楚雨來
痛飲長江看自注異書絕壁訪應開
芒鞋歸去身差健白鹿諸生掃講臺

寄房師周芮公先生四首 并序

偉業以庚午受知於晉江周芮公師進謁潤州官舍維時上流
無恙京口晏然吾師以陸生入雒之年弟子亦終軍棄繻之歲
南徐月夜北固江聲揮麈論文登樓置酒笑譚甚適賓從皆賢
已而入主銓衡地當清切周旋禁近提挈聲華拜別河梁十有
八載滄桑兵火萬事都非偉業負耒躬耕誓終沒齒不謂推遷
塵事潦倒浮生病苦窮愁羈索煎迫師以同徵獨得不至方推
周黨共羨管甯而家居窮海身受重圍羽檄時聞音塵莫及雖
然江南近信已泊樓船京觀舊游皆非樂土何必無諸臺上始
接烽煙歌冶城邊纔開壁壘也既知援師南下山郡依然鄭樵
居第可保圖書揚僕軍營惟聞笳吹欣故人之杖屨致遠道之
郵筒爰作短章聊存微尚抒平生於慷慨寫盡日之羈愁庶幾

同經喪亂識此襟情雖隔山川無殊會面云爾

惆悵平生負所知尺書難到雁來遲
桄榔月暗嚴城閉鷓鴣風高畫角悲
湖裏逢仙占昔夢洞中遇叟看殘碁
脫身衰白干戈際筇屐尋山話後期

其二

北府風流坐嘯清蕭郎白恰愛將迎
蒜山望斷江干月荔浦愁看海上城
劉寄闕河雖險塞盧循樓艦正縱橫
莫嫌戰鼓鄉園急瓜步年來已用兵

其三

但苦盤桓便見收 詔書趨迫敢淹留
始知處士青門里須傍仙人白石
樓晉宰衣冠依嶺嶠越王刀劍閉林
丘少微卻照南天遠榕樹峰高隱故
侯

其四

白鶴青猿叫晚風苦將身世訴飄蓬
干灘水惡盤渦險九曲雲迷絕磴空
廣武登臨狂阮籍承明寂寞老揚雄
巨源舊日稱知己誤玷名賢啟事中

卽事十首

夾城朝日漸臺風玉樹青蔥起桂宮

時乾清宮成

謁者北衙新掌節

初設內監

郎官

西府舊乘駟新選部郎叔孫禮在終應復肅相功成固不同百戰可憐諸

將帥幾人高會未央中

其二

六龍初幸晾鷹臺千騎從官帳殿開南苑車聲穿碧柳西山馳道夾青槐
繙書夜半移燈召教射樓頭走馬來聞道上林親試士即今誰是長卿才

其三

元僚白髮領槐廳風度須看似九齡疏乞江湖陳老病 詔傳容貌寫丹
青曹村相公乞休不允盡其像賜之從游西苑花初放侍宴南臺酒半醒最是御書房下

過賜茶清燕共談經

其四

列卿嚴譴赴三韓貫酒悲歌行路難妻子幾隨關外去都人爭擁路旁看
樂浪有吏崔亭伯還海無家管幼安盡說日南多瘴癘如君絕域是流官

其五

黃河東注出潼關本濟漕渠竟北還淮水獨流空到海淮水為黃河所逼始於清口濟漕河
去則淮竟入海此汴堤橫嘴不逢山天心豈為投圭璧民力何堪棄草菅
情江開所以憫也

狐子未成淇竹盡龍門遠掛白雲間

金龍口決用柳梢作土牛塞河功竟不就悼兩河民力之盡也

其六

西山盜賊尙縱橫白晝畿南桴鼓鳴誰道盡提龍武將翻教遠過闔閭城
軍需苦給嫖姚騎節制難逢僕射營斥堠但嚴三輔靖願銷兵甲罷長征

其七

新傳使者出皇都十道飛車算國租故事已除將作監他年須尙執金吾
主持朝論垂魚袋料理軍書下虎符始信蕭曹務休息太平良策未全無

其八

柳營江上羽書傳白馬三郎被酒眠無意漫提歐冶劍有心長放呂嘉船
金錢北去綠求印鐵券南來再控弦廟算只今勤遠略伏波橫海已經年

其九

秋盡黃陵對落暉長沙西去不能歸甘甯舊壘潮初落陶侃新營樹幾圍
五嶺烽煙城郭改三湘征調吏人稀老臣裏革平生志往事傷心尙鐵衣

其十

巴山千丈孽雲根節使征西入劍門蜀相軍營猶石壁漢高原廟自江村

駐兵南鄭分關閬州
兩地皆有高祖廟
全家故國空從難
異姓眞王獨拜恩
回首十年成敗
事笛聲哀怨起黃昏

梅村家藏彙卷第十五終

梅村家藏藁卷第十六

詩後集八

七言律詩七十八首

長安雜咏四首

玉泉秋散鼎湖龍 世廟立都闕御容絳節久銷金
龍火青詞長護石壇松蓮移梅福身難去道向麻姑使未逢
重過竹宮聞夜祭徐無仙客話乾封

其二

石門秋聳妙高臺慈聖金輪寺榜開龍苑樹荒香界壤鹿園
花盡塔鈴哀燈傳初地中峰變經過流沙萬里來代有異人
爲教出鳩摩天付不凡材

其三

鼓角鳴鞘下建章平明獵火照咸陽黃山走馬開新埒青海
求鷹出大荒奉轡射生新宿衛帶刀行炙舊名王侍臣獻賦
思遺事指點先朝說豹房

其四

百戰關山馬槩高恥將階級鬪蕭曹兩河子弟能談劍一矢
君王已賜

袍此日大家親較武他時年少定分茅功成老將無人識看取征南帶血
刀

哭蒼雪法師二首

憶昔穿雲到上方飛泉夾路筍輿忙孤峰半榻霜顛白清磬一聲山葉黃
得道好窮詩正變觀心難遣世興亡汰公塔在今同傳無著天親共影堂
汰如住華山與師為法侶最相得滅度已十六載矣

其二

說法中峰語句真滄桑閱盡剝閑身宗風實處都成教慧業通來不礙塵
白社老應空世想青山我自哭詩人總教落得江南夢萬樹梅花孰比鄰
送友人出塞
門人杜登春日此詩送秦與季掌科作也季名開生
字天中以言事觸先帝怒徙向陽言官之遣始此
上書有意不忘君竄逐還將諫草焚 聖主起居當日慎小臣忠愛本風
聞玉關信斷機中錦金谷園空畫裏雲塞馬一聲親舊哭焉支少婦欲從
軍

海警

龍驤開府集戈船不數昆明教戰年刊木止因裝大艦習流真豈募空卷

越工樓櫓偏風利楚矢餘皇尙晝眠潮落春申灘上望虛糜十萬水衡錢

即事

擊鼓迎神太乙壇越巫吐火舞珊珊露臺月上調絲管禁苑霜凋挾彈丸
赤驥似龍徠萬里白鷹如雪致三韓栢梁焚後宜春起只有西山作舊看

送同官出牧

門人杜登春日乙未之秋先帝出朝臣四十有一人爲外在翰林讀學楊猶龍以下皆忤安王故有是命

露掌明河玉漏寒侍中出宰據征鞍 君王此日親除吏臣子何心道換
官壯士驪山秋送戍豪家渭曲夜探丸扶風馮翊昔難治努力諸公奏最
看

寄周子叔中州

聞道周郎數酒悲中原極目更依誰雲遮二室關山在河奪三門風雨移
銅狄紀年何代根石經傳字幾人知狂歌落日登臨罷殘醉歸來信馬遲

懷古兼弔侯朝宗

河洛烽煙萬里昏百年心事向夷門氣傾市俠收奇用策動宮娥報舊恩
多見攝衣稱上客幾人刎頸送王孫死生總負侯羸諾欲滴椒漿淚滿樽

朝宗歸德人貽書約終隱不出
余爲世所逼有負夙諾故及之

送曹秋岳以少司農遷廣東左轄四首

江東才子漢平陽身歷三臺拜侍郎
五管清秋懸使節百蠻風靜據胡牀
珠官作貢通滄海象郡休兵奉朔方
早晚鄒侯能薦達鋒車好促舍人裝

其二

秋風匹馬尉佗城銅鼓西來正苦兵
萬里虞翻空遠宦十年楊僕自專征
山連鳥道天應盡日落蠻江浪未平
此去好看宣室召漢皇前席問蒼生

其三

銅柱天南起暮笳蒼山不斷火雲遮
羅浮客到花爲夢庾嶺書來雁是家
五月蠻村供白越千年仙竇訪丹砂
炎州百口堪同住莫遣閒愁感鬢華

其四

懸瀑丹崖萬仞流越王臺上月輪秋
江湖家在堪回首京國人多獨倚樓
海外文章龍變化日南風俗鳥鞞鞞
知君此地登臨罷追憶平生話少游

送楊猶龍學士按察山西二首

碧山學士起嚴裝新把牙旌下太行
玉塵開尊從將吏銀毫判牒喜文章

三關日落凝笳吹千騎風流出射堂憶賜錦袍天上煖西遊早拂雁門霜
其二

一天涼影散鳴珂落木平沙雁渡河北地詩名三輔少西風客思五原多
紫貂被酒雲中火鐵笛吟秋塞上歌回首禁城從獵處千山殘雪滿滹沱
送王藉茅學士按察浙江二首

始興門第故人稀才子傳家典北扉畫省日移花更發御溝春過柳成圍
江湖宦跡飄蓬轉嵩少鄉心旅雁飛重到冶城開戟地豈堪還問舊烏衣
其二

訟堂閒嘯聽流鶯十載東南憶避兵江左湖山多故吏王家書畫豈虛名
從容簿領詩還就料理煙霞政自成欲過會稽尋禊事斷碑春草曲池平
送當湖馬覲揚備兵岢嵐

絕塞驅車出定羌洗兵空磧散牛羊黃河盡處無征戰紫燕飛時敢望鄉
獨客登臨傷廢壘前人心力困危疆君思不遣邊臣苦高卧荒城對夕
陽

送王孝源備兵山西

秋盡黃河氣欲收，千山雪色照并州。
鵬盤落木蒼崖壯，馬蹴層冰斷澗流。
父老壺關迎節使，將軍廣武恥封侯。
雍容賚佐資譚笑，吹笛城南月夜樓。

送同年江右朱遂初憲副固原四首

銜杯落日指雕鞍，渭北燕南兩地看。
士馬河湟征戰罷，弟兄關塞別離難。
荒祠黑水龍湫暗，絕坂丹崖鳥道盤。
錯認故京遺咫尺，幾人遷客近長安。

其二

清秋柳陌響朱輪，帳下班聲到近臣。
萬里河源通大夏，七盤山勢控新秦。
北庭將在黃驄老，西海僧來白象馴。
最喜安邊真節使，君恩深處少風塵。

其三

白草原頭驛路微，十年踪跡是耶非。
月明函谷朝雞遠，木落蕭關塞馬肥。
便道江城鄉思急，故人京洛諫書稀。
一官漂泊知何恨，老大匡山未拂衣。

其四

長將詩酒付奚囊，此去征途被急裝。
苜蓿金鞍調白馬，梅花鐵笛奏青羌。
涼州水草軍營盛，漢代亭臺獵火荒。
往事功名歸衛霍，書生垂老玉門霜。

七夕感事

天上人間總玉京今年牛女倍分明
畫圖紅粉深宮恨砧杵金闈瘴海情
南國綠珠辭故主北邙黃鳥送傾城
憑君試問雕陵鶴一種銀河風浪生

和楊鐵崖天寶遺事詩二首

漢主秋宵宴上林延年供奉漏沉沉
給來妙服裁文錦賞就新聲賜餅金
鳩鵲風微清笛迥蒲萄月落畫絃深
明朝曼倩思言事日午君王駕未臨

其二

復道笙歌幾處通博山香裊綺疏中
檀槽豈出龜茲伎玉笛非關子闕工
浩唱扇低槐市月綬聲衫動石頭風
霓裳本是人間曲天上吹來便不同

送少司空傅夢禎還嵩山

高卧千峰鎖暮霞洛城春盡自飛花
銅仙露冷宮門草玉女臺荒洞口沙
被褐盧鴻仍拜 詔賜金疏受早還家
西巡擬上登封頌抱犢山莊候翠華

夜宿蒙陰

客行杖策魯城邊訪俗春風百里天
蒙嶺出泉茶辨性龜田加火穀占年
野蠶養就都成繭村酒沽來不費錢
我亦山東狂李白倦游好覓主家眠

鄴城曉發

匹馬孤城望眼愁，雞聲喔喔曉煙收。
魯山將斷雲不斷，沂水欲流沙未流。
野戍淒涼經喪亂，殘民零落困誅求。
他鄉已過故鄉遠，屈指歸期二月頭。

聞台州警四首

高難響急峭帆收，橘柚人煙對鬱洲。
天際燕飛黃石嶺，雲中大吠赤城樓。
投戈將士逍遙卧，橫笛漁翁縹緲愁。
聞說天台踰萬丈，可容長嘯碧峰頭。

其二

野火山深叫杜鵑，閩風臺畔羽書傳。
軍捫絕磴松根火，士接飛流馬上泉。
雁積稻梁池萬頃，猿知擊刺劍千年。
桃花好種今誰種，從此人間少洞天。

其三

天門中斷接危梁，玉館金庭跡渺茫。
石鼓響來開峭壁，干將飛去出滄浪。
仙家壘是何年築，刺史丹無不死方。
亂後有人還采藥，越王餘算禹餘糧。

其四

三江木落海天西，華頂風高聽鼓鼙。
瀑布洗兵青嶂險，石橋通馬白雲齊。
途窮鄭老身何竄，春去劉郎路總迷。
最是孤城蕭瑟甚，斷虹殘雨子規啼。

遣嫁

蘸水寒堤百里風扁舟裝送月明中但教兒女輕諸累一任兵戈誤此翁
故友蘋蘩生死寄貧家棗栗亂離空歸來往事關心在不寐愁看燭影紅
江城遠眺

幕府山前噪乳鴉嚴城煙樹隱悲笳柳條徧拂將軍馬燕子難求百姓家
東海奔濤連北固西陵傳火走南沙江臯戰鬼無人哭橫笛聲聲怨落花
贈遼左故人八首

詔書切責罷三公千里驅車向大東會募流移併塞下豈遷豪傑實關中
桑麻亭障行人斷松杏山河戰骨空此去累臣聞鬼哭可無杯酒醉西風
其二

短轅一哭暮雲低雪窖冰天路慘淒青史幾年朝玉馬白頭何日放金雞
燕支塞遠春難到木葉山高鳥亂啼百口總行君莫歎免教少婦憶遼西
其三

傷心書斷玉關秋使者收騰北海頭共事故人誰賜告別來諸將幾封侯
風霜積裏真難受瘴癘天邊不易求莫信古稱卑濕地南中猶有逐臣愁

其四

潦倒南冠顧影慚殘生得失懣瞿曇
君恩未許誇前席世路誰能脫左
騃雁去雁來空塞北花開花落自江南
可憐庾信多才思關隴鄉心已不堪

其五

貫索天邊動使星赭衣羸馬夕陽亭
胥靡憔悴傷圖畫巷伯牽連累汗青
滅死朔方誰考驗徒家合浦竟漂零
故園無限東風柳蘆管吹來不忍聽

其六

浮生踪跡總茫然兩拜中書再徙邊
儘有溫湯堪療疾恰逢靈藥可延年
垂來文鼠裝綿暖射得寒魚入饌鮮
只少江南好春色孤山梅樹卷溪船

其七

路出河西望八城保宮老母淚縱橫
重圍困孤身在垂死翻悲絕塞行
盡室可憐逢將吏生兒眞海作公卿
蕭蕭夜半立菟月鶴唳歸來夢不成

其八

齊女門前萬里臺傷心砧杵北風哀
一官候汝高門累半子憐渠快婿才

失母况經關塞別從夫只好夢魂來摩挲老眼千行淚望斷寒雲凍不開
春日小園卽席次白林九明府韻

小築疏籬占綠灣釣竿斜出草堂間柳因見日頻舒眼花爲迎風早破顏
地是廉泉蓮讓水人如退谷遇香山新詩片石留題在採蕨烹葵數往還
題畫

芍藥

花到春深爛熳紅香來士女踏歌中風知相謔吹芳蒂露恨將鞋浥粉護
漬酒穩教顏色異調羹誤許姓名同內家彩筆新成頌肯讓玄暉句自工
石榴

碧雲翦翦月鈎鈎狼藉珊瑚露未收絳樹憑闌看獨笑綠衣傳火照梳頭
深房莫倚含苞固多子還憐觸齒羞種得菖蒲堪漬酒劉郎花底拜紅侯
洛陽花

綠窗昨夜長輕莎玉作欄杆錦覆窠丹纈好描秦氏粉墨痕重點石家螺
翦同翠羽來金谷織並紅羅出絳河千種洛陽名卉在不知須讓此花多
茉莉

剪雪裁冰莫浪猜
玉人纖手摘將來
新泉浸後香恒滿
細縷穿成菜半開
愛玩晚涼宜小立
護持隔歲爲親栽
一枝點就東風裏
好與新妝報鏡臺

芙蓉

細雨橫塘白鷺拳
竊紅婀娜向風前
千絲衣薄荷同製
三醉顏酡柳共眠
水殿曉涼妝徙倚
玉河春淺共遷延
涉江好把芳名認
錯讀陳王賦一篇

菊花

夜深銀燭最分明
翠葉金鈿認小名
故著黃緇貪入道
却翹紫袖擅傾城
生來豔質何消瘦
移近高人恰老成
幾度看花花耐久
可知花亦是多情

蘭虎

南山五日鏡奩開
綵索春蔥縛軼材
奇物巧從蠶館製
內家親見豹房來
越巫辟惡鏤金勝
漢將擒生畫玉臺
最是蘭絲添虎翼
難將續命訴牛哀

茄牛

擊鼓喧闐笑未休
泥車瓦狗出同游
生成豈比東鄰績
穀棘何來孺子牛
老圃盤飧誇特殺
太牢滋味入常羞
看它諸葛貪游戲
苦鬪兒曹巧運籌

鰲鶴

丁令歸來寄素書羽毛零落待何如
如雲霄豈有舖糟計飲啄甯關逐臭餘
雪比撒鹽堆勁翮蟻旋封垤附專車
秦皇跨鶴思仙去死骨何因葬鮑魚

蟬猴

仙蛻誰傳不死方最高枝處憶同行
移將吸露迎風意做就輕軀細骨妝
薄鬢影如逢越女斷腸聲豈忍齊王
內家近作通侯相賜出貂蟬傲粉郎

蘆筆

採箬編蒲課筆畔織簾居士擅書名
掃來魯壁枯難用焚就秦灰煮不成
飛白夜窗花入夢草立秋閣雁銜橫
中山本是盧郎宅錯認移封號管城

橘燈

掩映蘭膏葉底尋玉盤纖手出無心
花開槐市枝枝火霜滿江潭樹樹金
繡佛傳燈珠錯落洞仙爭奕漏深沉
饒他丁緩施工巧不及生成在上林

桃核船

漢家水戰習昆明曼倩偷來下瀨橫
三士漫成齊相計五湖好載越姝行
桑田核種千年久河渚槎浮一葉輕
從此武陵漁問渡胡麻飯裏棹歌聲

蓮蓬人

獨立平生重此翁，反裘雙袖倚東風。殘身顛倒憑誰戲，亂服麤疏取便工。
共結苦心諸子散，早拈香粉美人空。莫嫌到老絲難斷，總在污泥不染中。
戲詠不倒翁

掉首浮生半紙輕，一丸封就任縱橫。何妨失足貪遊戲，不耐安眠欠老成。
儘受推排偏倔强，敢煩扶策自支撐。却遭桃梗妍皮誚，此內空空浪得名。
海虞孫孝維三十贈言四首

法護僧彌並絕倫，聽經蕭寺紫綸巾。高齋點筆依紅樹，畫檝徵歌轉綠蘋。
一榻茶香專供佛，五湖蝦菜待留賓。丈夫早歲輕名宦，鄧禹無爲苦笑人。

其二

招真臺下讀書莊，總角知名已老蒼。何氏三高推小隱，荷家羣從重中郎。
鬪茶客話千山雨，寄橘人歸百顆霜。太末地理官孝若其兄也地產橘最佳塵尾執來思豎義，
曼公同飯贊公房。

其三

始立何容減宦情，法曹有弟尚諸生。松窗映火茗芽熟，貝葉研朱梵夾成。
金谷酒空消冶習，曲江花落悟浮名。花落者爲扶桑志也年來恥學王懷祖，初辟

中兵捧檄行

其四

高柳長風六月天青鞋白襪向湖邊輕舟掠過破山寺橫笛邀來大石仙
孫氏之先遇仙于鳥目山之天石王儉拜公猶昨歲張充學易在今年種松記取合圍後
樹下著書堪醉眠

贈錢臣辰

同年給諫公弟

杜家中弟擅閒身處士風流折角巾花萼一樓圖史遍竹梧三徑管絃新
東都賓客多同輩西息田園有主人酒熟好從君取醉脊令原上獨傷神

贈荊州守袁大韞玉四首

袁為吳郡佳公子風流才調詞曲擅名遭亂北都佐藩西楚尋以失職空囊傷

寓白下扁舟歸里惆悵無家為作此詩贈之

曉日珠簾半上鉤少年走馬過紅樓五陵烽火窮途恨三峽雲山遠地愁
盧女門前烏柏樹昭君村畔木蘭舟相逢莫唱思歸引故國傷心恐淚流

其二

竟裏三疊遍天涯浪跡巴丘度歲華賴有狂名堪作客誰知拙宦已無家
西州士女章臺柳南國江山玉樹花正遇秋風蕭索甚淒涼賀老撥琵琶

其三

詞客開元擅盛名，蕭條鶴髮可憐生。
劉郎浦口潮初長，伍相祠邊月正明。
 擊筑悲歌燕市恨，彈絲法曲楚江情。
袁西樓樂府中善才已死，秋娘老溼。
 盡青衫調不成。

其四

湖山木落洞庭波，杜宇聲聲喚奈何。
 千騎油幢持虎節，扁舟鐵笛換漁蓑。
 使君灘急風濤阻，神女臺荒雲雨多。
 楚相歸來惟四壁，故人優孟早高歌。

送楊懷涓擢臨安令

聽松鈴閣放衙陰，飛瀑穿階入室琴。
 許椽仙居丹井在，謝公游策碧雲深。
 山農虎善樵微徑，溪女蠶忙採遠林。
 此地何王誇衣錦，錦城人起故鄉心。
合成都人臨安乃錢繆衣錦城也。

登縹緲峰

絕頂江湖放眼明，飄然如欲御風行。
 最高尚有魚龍氣，半嶺全無鳥雀聲。
 芳草青蕪迷近遠，夕陽金碧變陰晴。
 夫差霸業銷沉盡，楓葉蘆花釣艇橫。

過席允來山居

碧梧門巷亂山邊，灑掃雖頻得自然。石筍一林雲活活，藥欄千品雨娟娟。
養花性爲先人好，種樹經從伯氏傳。社酒已濃茶已熟，客來長繫五湖船。

贈武林李笠翁

笠翁名漁，能爲唐人小說，兼以金元詞曲知名。

家近西陵住薜蘿，十郎才調歲蹉跎。江湖笑傲誇齊贅，雲雨荒唐憶楚娥。
海外九州書志怪，坐中三疊舞迴波。前身合是玄真子，一笠滄浪自放歌。

贈崑令王莘雲尊人杏翁

永平人

半載江南客未深，玉山秋靜夜沉沉。九邊田牧思班壹，三輔交遊識季心。
快馬柳城常命酒，軟輿花縣暫聞琴。白頭閒說西京事，會記循良久賜金。
莘雲有能名，未半載以錢糧報罷。

客譚雲間帥坐中事

五茸絲管妓堂秋，奪得蛾眉付主謳。豈是絕纓諸將會，偶因行酒故人留。
青尊有恨攀他手，白削無情笑者頭。若遇季倫西市日，可宜還墮綠珠樓。

別維夏

惆悵書生萬事非，緒衣今抵舊烏衣。六朝門第鴉啼遶，九月關河木葉飛。
庾嶺故人猶未別，維夏叔增燕山游子早應歸。正逢漉酒登高會，執手西

風歎落暉

梅村家藏彙卷第十六終

梅村家藏藁卷第十七

詩後集九

七言律詩七十四首

庚子八月訪同年吳永調於錫山有感賦贈四首

廿載京華共酒尊，十人今有幾人存。京師知己爲真率，會今其零落已盡。多愁我已嫌身世，高臥君還長子孫。馬孤城喧渡口，雲山老屋冷溪門。相逢萬事從頭問，撲燭三條照淚痕。

其二

杖藜何必遠行遊，抱膝看雲鶴筆裘。天遣名山供戶牖，老逢佳節占風流。干戈定後身還健，花月閒時我欲愁。莫歎勝情無勝具，亂峰深處著高樓。永謂有足疾

其三

黃花秋水五湖船，客鬢蕭蕭鬢別幾年。老去妻孥多下世，窮來官長有誰賢。酒杯驅使從無分，書卷消磨絕可憐。賸得當時舊松菊，數間茅屋對晴川。

其四

虛臺便闕信沉沉話及清郎淚不禁到處風波甯敢恨僅存兄弟獨何心
南州師友江天笛北固知交午夜砧從此溪山避煇繳暮雲黃葉閉門深
送張玉甲憲長之官邛雅四首

秋水連天棹五湖勞勞亭畔客心孤飄蓬宦迹空迢遞浩劫山川尙有無
石鏡開花惟自照郵筒憶酒向誰沽蕭條大散關頭路匹馬西風入畫圖

其二

劍外新傳一道通十年羣盜漫稱雄橫刀割取青神渡烈火燒殘白帝宮
豈有山川歸李特猶能車馬識文翁誰將牛斗龍泉氣移在天彭井絡中
張從江南學使者遷是職

其三

岷峨悽愴百蠻秋路折邛峽九坂愁城裏白雲從地出馬前黑水向人流
松番將在看高臥雪嶺僧歸話遠遊欲問辟支諸佛土貝多羅樹卽關頭
雅州關外卽烏思藏

其四

錦宮春色故依然料理蠶叢半壁天葛相祠堂尋有蹟譙之門戶訪誰傳

還家杜宇三更夢寄遠菖蒲十樣箋此去壯游何所恨思君長問楚江船
吳中書趙友沂兼柬其尊甫洞門都憲

長沙長子九江船御史臺西月正圓兩省親朋歡笑日一官詩酒亂離年
朱樓有淚看楊柳白髮無家聽杜鵑太息賈生歸未得湘花湘草夕陽邊
贈學易友人吳燕餘二首

風雨菰蘆宿火紅胥靡憔悴過牆東吞爻夢逐虞生放端策占成屈子窮
縱絕三編身世外橫添一畫是非中道人莫訝姚平笑六十應稱未濟翁
其二

註就梁丘早十年石壕呼怒華門前范升免後成何用甯越鞭來絕可憐
人世催科逢此地吾生憂患在先天從今郛上田休種簾肆無家取百錢
壽繼起和尙

故山東望路微茫講樹秋風老著霜不羨紫衣誇妙相惟憑白足徧諸方
隨雲舒卷身兼杖與月空明詩一囊台頂最高三萬丈道人心在赤城梁
惠山二泉亭爲無錫吳邑侯賦

九龍山半二泉亭水遞名標陸羽經寺外流觴何處訪公餘飛鳥偶來聽

丹凝高閣空潭紫翠溼層巒萬樹青
治行吳公今第一此泉應足勝中洽
贈張以韞來鶴詩

草聖傳家久著聞斗看孤鶴下層雲
路從蓬島三山遠影落琴川七水分
自是昂藏矜鳳侶休教嫉妬報雞羣
春風一樹梅花發耐守寒香孰似君
過三峰葉公話舊

霜落千峰曳杖尋筍輿衝雨過高林
埋書草沒松根史洗鉢泉流石磴琴
萬事幾經黃葉夢三生難負碧潭心
山童不省團團話催打溪鐘夜未深
永平田君宗周吳故學博也袁重其識之尤展成司李其地相見
詢袁年百有二矣索詩紀異并簡展成

北平車馬訪煙蘿記向夷齊廟下過
百歲共看秦伏勝一經長在漢田何
知交已料滄江少耆舊翻疑絕塞多
聽罷袁絲數東望酒酣求作絳人歌
顧西燾侍御同沈友聖虎丘卽事四首

註就逍遙賦大風彥先才調擅諸公
晴川兩岸憑欄外雪嶺千尋攬轡中
我昔楚江同宋玉君今吳市訪梁鴻
芳洲杜若無能採慚愧當年過渚宮

喻蜀書成楚大夫征帆萬里到江湖鄉心縹緲思黃鶴祖德風流話赤烏
問俗駐車從父老尋山著屐共生徒君家自有丹青筆衰白追陪入畫圖

其三

生公石畔廣場開短簿祠荒閉綠苔山榭偶攜羣吏散布帆無恙故人來
爭傳五月登高會應改三江作賦臺自是野王思故里可知先賞陸機才

其四

一馬雙僮出野塘論文蕭寺坐匡牀花移埃鼓青油舫月映行厨白石廊
漫叟短歌傷老大散人長揖恕清狂細將朋友從頭數落落申生與沈
郎

贈松江郡侯張升衢從江寧遷任

石城門外水東流簫鼓千人最上頭二陸鄉園江畔樹三張詞賦郡西樓
油幢置酒尊鱸夜畫舫釣簾杭稻秋聞道青溪行部近兒童欣喜使君游

贈松郡副守涪陵陳三石官董漕

獨上高城回首難揚雄老去滯微官湖天搖落雲舒卷巫峽蕭森路折盤
廿載兵戈違故里千村翰輓向長安京江原是三巴水莫作鄉筒萬里看

贈松郡司李內江王擔四

十月江天曉放衙茸城寒發錦城花金堤更植先人柳玉壘重看使者車

父侍御治庚嶺霜柑書憶弟東粵曲阿春釀夢思家侍御避亂詩成別寫

驚溪絹廳壁風篁醉墨斜善寫竹

贈彭郡丞益甫

樓船落日紫貂輕坐嘯胡牀雁影橫雨過笛生黃歌浦花開夢遠發干城

舊棠邑令龍蛇絹素爭搖筆善書松杏山河已息兵杏山慷慨與君談舊事夜深

欣共酒杯傾

十月下澣借九日過雲間公讌聞石蒼水齋中同文饒諸子二首

百里溪山訪舊游南皮賓客盛風流文章座上驚黃絹名字人間愧白頭

董相園開三徑夜陸生臺在九峰秋酒酣莫話當年事門外滄江起暮愁

其二

霜落南樓笑語清無端街鼓逼嚴城三江風月尊前醉一郡荆榛笛裏聲

花滿應徐陪上讌歌殘嵇阮隔平生歸來枕底天涯夢喔喔荒雞已五更

贈松江別駕日照安肇開

秋盡西風鬢影蒼伏生經術蓋公堂雞聲日出秦祠遠鶴唳江空禹蹟荒
二水滄澗杯酒合三山樓觀畫圖裝歸來好啗安期棗不夜城頭是故鄉
滇池鏡吹四首

碧雞臺樹亂雲中舊是梁王避暑宮銅柱雨來千嶂洗鐵橋風定百蠻通
朱鷲縣小輸寶布白象營高挂柘弓誰唱太平滇海曲檳榔花發去年紅
其二

苴蘭城闕鬱岩巖貝葉金書使者朝海內徵輪歸六詔天邊勳伐定三苗
魚龍異樂軍中舞風月蠻姬馬上簫莫向昆明話疏鑿道人知己劫灰消
其三

霸翠奢香祠總荒蘆笙吹徹瘴雲黃縱擒有策新疆定叛服何常舊史亡
鬼國三年勞薄伐王師五月下殊方瀾滄肯爲宅人渡不許窺人有夜郎
其四

盤江西遶七星關可渡河邊萬仞山隴上舊傳收白帝南中今喜定烏蠻
龍坑壯馬看馳驟雞足高僧任往還辛苦武侯停節處殘碑零落草班班
儒將

河朔功名指顧收，身兼使相領諸侯。按兵白道調神鵝，挾妓青山駕快牛。
論敵肯輸揚大眼，知書不減范長頭。它年信史推儒將，馬稍清談第一流。
俠少

寶刀千直氣凌雲，俠少新叅龍武軍。柳市博徒珠勒馬，柏堂箏妓石華裙。
招權夜結金安上，挾策朝干王長君。堪笑年年秘書客，白頭空守太玄文。
山居卽事示王惟夏，郁計登諸子

灌木清潭五畝居，山菘蒼果釣竿魚。金龜典後頻賒酒，麈尾燒來爲著書。
對客好穿高齒屐，出門常駕短轆車。陸倕張率呼同載，三月江南正祓除。
九峰詩九首

鳳凰山

碧樹丹山千仞岡，夫差親獵雉媒場。五茸風動琅玕寶，三泖雲流沆瀣漿。
鳥聽和鳴巢翡翠，花舒錦翼照文章。西施醉唱秦樓曲，天半吹簫引鳳凰。

庫公山

庫公石礪掩莓苔，千載陰符戰骨哀。鐵斧任從田父識，玉書休爲道人開。
三分舊數江東望，二俊終非馬上才。恨殺圯橋多授受，關宅劉項至今來。

神山

紫蓋青童白鹿巾
細林仙館鶴書頻
洗來丹井千年藥
蛻去靈蛇五色鱗
洞起春雲招勝侶
潭空秋月證前身
赤松早見留侯志
何況商顏避世人

奈山

溪堂剪燭話徵君
通隱昇平半席分
茶笋香來朝命酒
竹梧陰滿夜論文
知交倒屣傾黃閣
妻子誅茅住白雲
處士盛名收不盡
至今山屬奈將軍

薛山

薛公高卧始何年
學士傳家有墓田
枉自布衣登侍從
長將雲壑讓神仙
坐來石榻蒼苔冷
採得溪毛碧藕鮮
最愛玉屏山下路
月明橋畔五湖船

機山

蒹葭滿目雁何依
內史村邊弔陸機
豪士十年貪隱遂
通侯三世累輕肥
江山麗藻歸文賦
京洛浮沉負釣磯
白紵未還青蓋遠
辨亡書在故園非

橫雲山

橫雲插漢領諸峰
雨過泉飛亂壑松
赤壁豈徑新戰伐
丹楓須記舊游蹤
祠荒故相江邨鼓
客散名園蘭若鐘
莫信參龍雲不去
此山雲只爲人籠

山有龍母祠
又陸雲故宅

天馬山

龍媒天馬出昆崙青海長留汗血痕此地干將騰劍氣何來逸足鑠雲根
石鯨潭影秋風動山有二石魚飛去鐵笛江聲夜雨昏鐵崖葬處芻秣可辭銜勒免空
山長放主人恩

小昆山

積玉昆岡絕代無讀書臺上賦吳都君臣割據空祠廟家國經營入畫圖
勢去河橋悲士馬詩成山館憶尊鱸傷心白壁投何處汗簡淒涼陸大夫

送贛州會庭聞孝廉移家甯夏

十年走馬向天涯回首關河數暮鴉大庾嶺頭初罷戰賀蘭山下不思家
詩成積裏因聞雁書到江南定落花夜半酒樓羌笛起軟裘衝雪踏鳴沙

贈何匡山

早年納節卧滄浪回首風塵鬢髮蒼陶令軍營姑孰口大兵收溧陽謝公
游墅石門莊後僑寓溧陽大白所謂山田種罷輸常稅海國歸來認故鄉
何本膠城二月村居春雨足官梅花發爲何郎

題海虞孫子長七十壽圖

春秋註就授生徒虞仲祠前一老夫烏几看雲吟茵閣布帆衝雨醉菱湖
空山撫操彈三峽故國興懷賦兩都同輩半非身健在爲誰寫入煉丹圖

虞有徐神翁煉丹處

觀蜀鵑啼劇有感四首

并序

蜀鵑啼者上子嶼雪爲吾兄成都令志衍作也志衍一官遠宦
萬里嚴裝愛弟從行故人送別上游梗塞盡室扶攜旣舍水而
登山甫自滇而入蜀北都覆沒西土淪亡身殉封疆家罹鋒鏑
嗚呼三十六口痛碧血之何存一百入盤招游魂而莫返無兒
可托有弟言歸竄身荆棘之林乞食狼狽之族望蠻煙而奔走
脫賊刃以崎嶇恥趙禮之獨全赤眉何酷恨童烏之不免黃口
奚辜爰將委巷之謳展作巴渝之舞庾子山之賦傷心時方板
蕩袁山松之歌行路聞且啼戲余也老逐歡游閒逢浩唱在中
年早傷於哀樂况昔夢重感乎交朋豈獨伍相窮來憐者有同
聲之歎遂使雍門曲罷泣焉如亡邑之人瞻望兄兮猶來思悲

翁而不見蘭堂客散金谷詩成非關聽伎之吟聊當懷人之什
爾

花發春江望眼空杜鵑聲切畫簾通親朋形影燈前月家國音書笛裏風
百口悔教從鳥道一言催去墮蠶叢雪山盜賊今何處腸斷笙篔曲未終

其二

江關蕭瑟片帆留策馬俄成萬里游失計未能全愛子端居何用覓封侯
雲山已斷中宵夢絃管猶開舊日樓二月東風吹水調鶴鴿原上使人愁

其三

平生兄弟劇流連高會南樓盡少年往事酒杯來夢裏新聲歌板出花前
青城道士看遊戲白髮衰翁漫放顛雙淚正垂俄一笑認君眞已作神仙
劇中志衍
兵解仙去

其四

過盡蠻江與瘴河還家有弟脫兵戈狂從劇孟千場博老愛優旃一曲歌
紅豆花開聲宛轉綠楊枝動舞婆娑不堪唱徹關山調血汚游魂可奈何

題華山藥菴和尚畫像二首

和尚熊姓字魚山直
諫子故不死後入道

清如黃鶴矯如龍
浩劫長指不壞松
四國雞壇趨北面
千年雪嶺啟南宗
西銘復社漢月潭澄皆
師令吳江時身所興起
江湖夙世歸梅福經卷殘生繼戴顒
諍論總銷墮
諫草故人已隱祝融峰
繼公隱南嶽
蔡公本師也

其二

西南天地歎無歸
漂泊干戈愛息機
黃蘗禪心清磬冷
白雲鄉樹遠帆微
全生詔獄同官在
指姜如農
乞食江城故老稀
松陵布衲
縱來還自笑
篋中血裏舊朝衣

戊申上巳過吳興家園次太守招飲郡圃之愛山臺坐客十人同

修禊事余分韵得苔字

六客堂西禊飲臺
亂山高會嘯歌開
塔懸津樹雨中出
鐘送浦帆天際來
同輩酒狂眠怪石
前賢墨妙洗蒼苔
右軍勝集今誰繼
仗有吾家季重才
立夏日陪園次郡伯過孫山人太白亭落成置酒分韵得人字
春盡山空鶴唳頻
亂雲歸處鎖松筠
江湖有道容奇士
關隴無家出俊人
招隱起亭吟社客
散仙留冢醉眠身
一瓢零落殘詩在
誰伴先生理釣緇
得友人札詢近况詩以答之

溪堂六月火雲愁支枕閒窗話貴游王令文章今日進
公仕宦早年休道衰薄俗甘棲遁才退殘書勉勘警
京雒故人聞健飯黃塵騎馬來城頭

八風詩八首 并序

余消夏小園風塢然而四至雖泠泠可以析醒已疾而淒其怒
號不能無爰居之思避其庶人之雖風乎聊廣其意作爲此詩
莊列寓言沈謝作賦庶以鳴侯蟲而諧比竹若云俟諸轄軒則
此不足採也

其一 東風

汴水楊花撲面迎飄飄飛過雒陽城陶潛籬畔吹殘醉宋玉墻頭送落英
油壁馬嘶羅袖舉綠塘波皺畫簾聲獨憐趙后身輕甚斜倚雕闌待月生

其二 南風

玉尺披圖解愠篇相烏高指越裳天終南雲出松檜響雙闕雨飛鈴索懸
師曠審音吹不競鍾儀懷土操誰傳九疑望斷黃陵廟會共湘靈拂五絃

其三 西風

落日巴山素女秋梧宮蕭瑟唱涼州白團掌內恩應棄絳蠟窗前淚未收

隴坂征夫蘆管怨玉關思婦杵聲愁可堪益部龍驤鼓獵獵牙旗指石頭

其四 北風

萬里扶搖過白登少卿書斷雁難憑蕭梢駮尾依宛馬颯爽雄姿刷代鷹
野火燒原青海雪驚沙擊面黑河水思公墜戶頭如蝟傳道君王獵霸陵

其五 東南風

紫蓋黃旗半壁中斗牛斜直上游通漫分漢沔魚龍陣須仗江湖烏鵲風

振柁引船濡口利禡牙揮扇赭圻功試看片刻周郎火一捲曹公戰艦空

三國志周瑜傳註黃蓋取輕艦十舫載燥荻枯柴建旌旗于上時東南風急同時發火燒盡北船曹公退走

其六 西南風

武帝雄圖邛笮開相如馳傳夜郎回巴童引節旌旄動夔馬隨車塵土來

堯女尙應愁赭樹史記秦皇西南渡淮水浮江至湖山祠逢大風楚王從幾不得渡知是堯女使刑徒伐湖山樹赭其山楚王從

此怕登臺小臣欲進乘槎賦萬里披襟好快哉

其七 東北風

飛廉嫖怒向人間徐福求仙恨未還萬乘雨休封禪樹史記封禪書始皇

休于大入神波斷羨門山史三神山在渤海中惠且至則船引風而去始

斗入海最居
齊東北隅
蕭蕭班馬東
巡海發發嚴
旌北距關
錯認祖龍
噫氣盛蓬萊
咫尺竟誰攀

其入西北

沛宮親作大風歌
往事彭城奈楚何
身陷重圍逢晦冥
天留數騎脫干戈
史記項王圍漢王三匝大風從西北起折木發屋揚沙石竊冥晝晦楚軍亂乃得遁去
威加河朔金方整
地遠幽并殺氣多好祭蚩尤
耐風伯飛揚長護漢山河

贈同年嘉定王進士內三四首

槎浦岡頭自種田
居然生活勝焦先
赤松採藥深山隱
白鶴談經古寺禪
孺仲清名交宦絕
彥方高行里閭傳
曲江細柳新蒲綠
回首銅龍對策年

其二

翠竹黃花一草堂
柴門月出課耕桑
蘇林投老思遺事
譙秀辭徵住故鄉
彊飯却扶芒屨健
高歌脫帽酒杯狂
莫嗟過眼年光易
征調初嚴已十霜

其三

先生吟社夜留賓
紫蟹黃雞饗面春
萬事夢中稱幸叟
一家榜下出閑人
內三及二子皆科第而不仕
君一房門第多遷改
叔度才名固絕倫
指上谷
青史舊交餘

我在北窗猶得岸烏巾

其四

晚歲風流孰似君烏衣子弟總能文青箱世業高門在白髮遺經半席分
正禮雙龍方矯角釋奴千里又空羣外家流輩非容易肯信衰宗有右軍
大中丞心康韓公九月還自淮南生日爲壽

聞闔清秋爽氣來尙書新自上游回八公草木登高宴九日茱萸置酒臺
兵食從容經久計江淮安穩濟時才尊前好唱南山曲笳鼓西風笑語開
贈李膺公五十

先德傳家歷苦辛汗青零落剩閒身雲山笑傲容遺叟松菊招尋見故人
猶有田園供伏臘豈無書卷慰沉淪只看五月開樽宴撥刺江魚入饌新

庚戌梅信日雨過鄧尉哭剖石和尚遇大雪夜宿還元閣二首

筍輿衝雨哭參寥宿鳥啾鳴萬象凋北寺九成新妙塔師修報恩塔初成南湖干

頃舊長橋雲堂過飯言猶在去歲與師同飯山閣雪夜挑燈夢未消最是曉鐘敲不

寐半天松栝影蕭蕭

其二

投老相期共閉關師有招住影堂重到淚潸潸身居十地莊嚴上師初刻

道出三峰立要間壤衲風光青桂冷四宜堂叢殘經燈火白雲閒吾師未

句分明在雪裏梅花雨後山

感舊贈蕭明府

余年三十有一以己卯七月奉命封延津孟津兩王於禹州過

汴梁登梁孝王臺適學使者會課屬郡知名士於臺上因與其

人語訪古蹟徘徊久之而後行逾三十三年雒陽蕭公涵三從

道臣左官來治吾州拭目驚視云曾識余則蕭公乃臺上諸生

中一人也感舊太息為賦此詩

三十張旌過大梁繁臺憑眺遇蕭郎黃河有恨歸遺老朱邱何人問故王

授簡肯忘羣彥會棄繻誰識少年裝長卿駟馬高車夢臥疾相逢話草堂

送許堯文之官莆陽二首

烏石煙巒列畫圖雙旌遙喜入名都路經鷗嶺還龍嶺符剖鴛湖更鯉湖

訪舊草堂搜萬卷吟詩別墅補千株知君不淺絃歌興別有高樓起望臺

其二

榕陰五馬快駮驪親到海洋古越南抹麗香分魚鮓細荔支漿勝橘奴甘
鮫宮月映浮春嶼屋市煙消見夕嵐此去褰帷先問俗上溪秋色正堪採

梅村家藏彙卷第十七終

梅村家藏藁卷第十八

詩後集十

五言排律四首

途中遇雪卽事言懷

雪來榆塞北人去衛河西川隴方瀟漫關山正慘淒短衣吹帶直矯帽壓
簷低漁卧舟膠浦樵歸柳斷蹊危灘沙路失廢井草痕齊塔迥埋椽梅臺
荒凍鼓鼙撲輕裝易發書重笈難攜久病人貽藥長途友贈綈橫津船渡
馬野店屋棲雞家訴兵來破墻嫌客亂題簣牀甯有席葦壁半無泥路遠
人呼飯厨空婦乞醢白搜麤作餌綠糝韭成齋入筋非鮭菜堆梓少棗梨
山薪土銚續村釀瓦罌提甃莖驢如怒窺燈鼠似啼旗亭人又起草市路
偏擠遇淖前鷗唱衝風後騎嘶與肩幾步換囊糈一夫齎行子誰停轡居
人尙掩閨漸逢農荷鋤稍見叟扶藜往事觀車轂浮踪信馬蹄世應嘲僕
僕我亦嘆栖栖赤縣初移社青門早灌畦餘生隨雁鶩壯志失虹蜺築圃
千條柳畊田十具犁昔賢長笑傲吾道務提撕得失書新語行藏學古稽
詩才追短李畫癖近迂倪室靜聞支枕樓高懶上梯老宜稱漫士窮喜備

殘黎有道甯徵管無才卻薦嵇北山休謂讓東觀豈攀躋令伯親垂白中
郎女及笄離程波渺渺別淚草萋萋憶弟看雲遠思親望樹迷書來盤谷
友夢向鹿門妻贈蹬吾衰矣飄零歸去兮尊鱸三泖宅花鳥五湖堤著屐
尋廬嶠張帆入剡溪江南春雨足把酒聽黃鸝

送吳門李仲木出守甯羌

君到南山去與元驛路長孤城當沮口舊俗問華陽稻近磻溪種魚從丙
穴嘗殘兵白馬戍廢塢赤亭羌鐵鑊穿天上金牛立道傍隗囂宮尙在諸
葛壘應荒往事英雄恨新愁旅客裝七盤遮駱谷十口隔秦倉黑水分榆
柳青泥老鷓鴣不堪巴女曲尙賽武都王

贈家園次湖州守五十韻

清切推華省風流擅廣陵俊從江左造賢比濟南徵經學三公薦文章兩
府稱北門供奉吏西掖秘書丞月俸鴉翎鈔春衣鳳尾綾賜醕班上膳從
獵賦奇鷹粉署勞偏著仙曹跡屢陞赤囊條每對黃紙詔親承乞外名都
重分符寵命仍爭傳何水部新拜柳吳興城闕晨笳動旌旗瑞靄凝射堂
青嶂合訟閣絳霞蒸教出漁租減詩成紙價增笙歌前隊引賓客後車乘

石戶樵輸粟銀塘女採菱水嬉釣卷幔社飲鼓分棚急雨溪譚確斜陽岸
驪晉宗盟高季札史局慨吳兢官退囊頻澀年侵鏡漸憎鹿皮朝擁卷松
火夜挑燈舊業凋林薄殘身瘦石稜彈琴伐木澗荷鋪種瓜腔撥刺魚窺
網偷睛鳥避矰已耽畊稼隱幾受黨碑懲寥落依兄弟艱難仗友朋殷勤
書一紙離別思千層逸爵斟佳醞綈袍製異繪蠶忙供杵軸茶熟裹絨藤
族姓叨三謝詞塲繼二應敢宜陪魯衛賦僅半鄒滕謙抑君胡過慚惶我
曷勝長絨招鄭重短策跋飛騰好士公投轄尋山客擔簦竹溪春澹蕩梅
隴雪峻嶒孤館披襟坐危欄送日凭嵐光浮翠黛塔勢界金繩爲政崔元
亮相逢皇甫會蘭橈輕共載蠟屐響同登笛冷荒臺妓鐘沉廢寺僧趙碑
娟露滴顏壁壯雲崩衰至容吾放狂來敢自矜雄談茗是戰良會酒如澗
楚澤投劉表江樓謁庾冰故交當路遍前席幾人曾妄把歡遊數癡將好
夢憑懷人吟力健觀物道心澄雅意通毫素閑愁託剡藤折花貽杜牧採
菊寄王弘瑱屑陳篇盡敬邪醉墨蠅非云聊以報舍此亦何能

賦得西隱寺古松

次葉初菴韻
贈陸翼王

誰將東海月挂在一株松偃蓋荒祠暗槎枒薛石封寒生高士骨瘦入定

僧容絕頂危巢鶴奔枝破壁龍盤根供客踞掃葉認仙踪風寂吹常謾泉
枯灑若淙性孤千尺傲材大百年慵葛相堪同卧秦皇耻再逢鹿芝香作
供鶴草錦成茸影出層雲外霜天落曉鐘

五言絕句八首

讀漢武帝紀

岱觀東迎日河源西問天晚來雄略盡巫蠱是神仙

讀光武紀

雷雨昆陽戰風雲赤伏符始知銅馬帝遠勝執金吾

蕭何

蕭相營私第他年畏勢家豈知未央殿壯麗只棲鴉

南苑應制

熊館發雲旌春蒐告禮成東風吹紫陌千騎暮歸營

題畫

亂瀑界蒼崖松風吹雨急石廊虛無人高寒不能立

偶見二首

合歡金縷帶蘇合寶香薰欲展湘文袴微微蕩畫裙

其二

背影立銀荷瓊肌映綺羅燭花紅淚滿遮莫爲心多

古意

歡似機中絲織作相思樹儂似衣上花春風吹不去

六言絕句十二首

偶成十二首

南山不逢堯舜北窗自有羲皇智如樗里何用窮似黔婁不妨

其二

張良貌似女子李廣恂恂鄙人祖龍一擊幾中猿臂善射如神

其三

吳錦文繪歌者黃金白璧蒼頭諸生唇腐齒落終歲華冠傲裘

其四

寶帳歲鞋雲樣象牀刻鏤花深破盡民間萬室遠踰禁物千金

其五

韓非傳同老子蘇侯坐配唐堯今古一丘之貉不知誰鳳誰梟

其六

雍齒且加封爵田橫可誓丹青願得毋忘堂阜相看窗識神亭

其七

織薄吹簫豐沛拍張狂叫風雲朝領白衣隊主暮稱黑稍將軍

其八

雅擅潘文樂旨妙參羊體嵇心畫虎雕龍染翰高山流水彈琴

其九

東部督郵恣橫北門待詔窮愁莫舉賢良有道且求刀筆封侯

其十

食其長爲說客夷甫自謂談宗著書一篇雋永緩頰四座從容

其十一

趙壹恃才倨傲禰衡作達疏狂計吏恣睢卿相布衣笑罵侯王

其十二

厨下綠葵紫蓼盤中白柰黃柑冠帽懶施高枕樵蘇失幾清談

梅村家藏彙卷第十八終

葉十八 詩後十

射得紅毛兔似拳乳茶桐酒閣門前相公堂饌銀盤美熊白烹來正割鮮
其二

雪消春水積成渠芻藁如山道不除怪殺六街騶唱少只今聽馬避柴車
其三

新更小篆譯蟲魚乙夜橫經在玉除訝道年來親政好近前一卷是尙書
其四

直廬西近御書房插架牙籤舊錦囊燕寢不須龍鳳飾天然臺几曲迴廊
其五

閤門春帖點霜毫玉尺量身賜錦袍聞道尙方裁製巧路人爭擁看枚臯
其六

龍媒剪拂上華茵嚴助丹青拜詔新莫向天閑誇絕技白頭韓幹竟何人
其七

徐無城下遇神仙移得驪山近玉田賭射上林春宴罷諸王騎馬向湯泉
其八

新張錦幄間垂楊四角觚稜八寶裝藉地煖茵趺坐軟茸茸春草是留香

其九

騰黃赭白總追風八匹牽來禁苑中毛骨不殊聲價好但看騎上卽神龍
其十

側坐翻身馬上輕官家絕技羽林驚左枝忽發鳴髀箭仰視浮雲笑絕纓
其十一

柳陰觀射試期門撥去胡牀踞樹根徙倚日斜纔御輦天邊草木亦承恩
其十二

進呈文字費躊躇轉譯紛然混魯魚夜半相公還被詔御前帖子改翻書
其十三

新語初成左右驚一言萬歲盡歡聲多應絳灌交歡久馬上先行薦陸生
其十四

東盡三韓北嫩江秋風傳箭海西降玄狐獵罷搜青鼠射得頭鷲更一雙
其十五

五千鐵騎十三山太子河邊飲馬還前哨已踰歡喜嶺鼓聲西下震榆關
其十六

松林路轉御河行寂寂空垣宿鳥驚七載金滕歸掌握百僚車馬會南城
其十七

海上奇毛固絕倫星眸玉爪出精神蘆溝橋上秋風起一簇紅塵鷹犬人
其十八

西洋館宇逼城陰巧曆通玄妙匠心異物每邀天一笑白鳴鐘應自鳴琴
其十九

迴龍觀裏海棠開禁地無人閉綠苔一自便門馳道啓穿宮走馬看花來
其二十

宣爐殿內香燒禁府圖書洞府簫故國滿前君莫問淒涼酒盞闕成罇
其二十一

布棚攤子滿前門舊物官罇無一存王府近來新發出剔紅香盒豆青盆
其二十二

大將祁連起北邙黃腸不慮發丘郎平生賜物都燔盡千里名駒衣火光
其二十三

琉璃舊殿虎房西月斧修成五色泥遍插御花安鳳吻絳繩扶上廣寒梯

其二十四

平生馬草世人知，垂老猶堪萬里馳。卻怪杏山書到日，三軍早哭道旁碑。

其二十五

金魚池上定新巢，楊柳青青已放梢。幾度平津高閣上，秦壇春望記南郊。

其二十六

紛紛茗酪鬪如何，點就茶經定不磨。移得江南來禁地，迴龍小盞淺松蘿。

其二十七

夜半齋壇唱步虛，玉皇新築絳霄居。吹笙盡是黃門侶，別勅西清註道書。

其二十八

新題御墨賜屏顏，紫禁城頭喚景山。傳與外廷誇勝事，蓬瀛小島在人間。

其二十九

水雲樹上會神仙，層閣黃龍十丈船。三爵羣臣半霑醉，榴花開宴自今年。

其三十

蘭池落日馬蹄驚，魚服揮鞭過柳城。十萬羽林空夜直，無人攬轡諫微行。

其三十一

七寶琉璃影百層淪漪月色漾寒水詞臣主客詩圖進御帖親題萬壽燈

燈成命編翰製詩
聯勅賜登名萬壽

其三十二

玉砌流泉繞碧渠晚涼紈扇軟金輿采蓮牒子江南弄太液池頭看打魚

其三十三

龍文小印大如錢別署齋名自記年畫就煙雲填寶篆欲將金粉護山川

其三十四

涓園千里送簞簞嫩穠青青道正長夜半火來知走馬尙方藥物待新篁

其三十五

新設椒園內道場雲堂齋供自焚香大官別有伊蒲饌親割鸞刀奉法王

其三十六

直廡起草擅能文被 詔含毫寫右軍賜出黃鸞銀鑿落天街徐踏墨池

雲

其三十七

霜落期門喚打圍海青帽煖去如飛鴛鴦信至纔遊幸不比和林避暑歸

其三十八

鶴鷄錦袋出懷中玉粒交爭花毯紅何似平章荒葛嶺諸姬嫫媧蟬鬪金籠

其三十九

綠翹聰慧換新妝比翼丹山小鳳皇巧舌能言金鎖愛賜緋烙殺雪衣娘

廣東進宋鷄
鷄足有四距

其四十

廣南異物進駐雞錦背雙峰一寸齊只道紫駝來絕塞雞林原在大荒西

鷄高三尺花冠翠羽背
有雙峰似駝之內駝也

伍員

投金瀨畔敢安居覆楚奔吳數上書手把屬縷思往事九原歸去遇包胥

偶見二首

新更被裏簇雙蛾窄地長衣抹錦靴總把珍珠薄裝卻奈他明鏡淚痕多

其二

惜解雙纏只為君豐趺羞澁出羅裙可憐鴉色新盤髻抹作巫山兩道雲

題帖二首

孝經圖像畫來工字格森嚴自魯公第一丹青天子孝累朝家法賜東宮
禁本有孝經圖周昉畫顏魯公書神廟時會發內閣重裱今在吏部侍郎孫公北海處

其二

金元圖籍到如今半自宣和出禁林封記中山玉印在一般烽火竟銷沉
甲申後質慎庫圖書百萬卷皆宣和所藏金自汴梁盡入燕者歷元及明初無恙徐中山下大都時封記尚在今皆失散不存

南苑應制

綠楊春繞栢梁臺羽蓋梢雲甲帳開知是至尊親講武日邊萬馬射生來
題石田畫芭蕉二首

一葉芳心任卷舒客愁鄉夢待何如平生枉用藤溪紙綠玉窗前好寫書
其二

不妨修竹共檀欒長對蕭蕭夜雨寒卻笑休文強多事後人仍作畫圖看
口占

欲買溪山不用錢倦來高枕白雲眠吾生此外無他願飲谷棲丘二千年
題沙海客畫達摩面壁圖

松風拂拂水泠泠叅得維摩止觀經從此西來真實義埽除文字重丹青

題二禽圖

舊巢雖去主人空，剪雨捎風自在中。卻笑雪衣貪玉粒，羽毛憔悴閉雕籠。

詠柳四首贈柳雲生

走馬章臺酒半醒，遠山眉黛自青青。輸他張緒誇年少，柳宿傷邊占小星。

柳星張三宿同度

其二

十五盈盈擅舞腰，無言欲語不能描。武昌二月新裁柳，破得工夫鬪小喬。

時有喬姬亦擅名

其三

萬條拂面惹行塵，選就輕盈御柳新。枉自穆生空設醴，可憐青眼屬誰人。

穆君初與雲遇為畫眉人所奪

其四

玉笛聲聲喚奈何，柳花和淚落誰多。灞橋折贈頻回首，惆悵崔郎一曲歌。

崔郎主人歌童也

送友人出塞二首

吳茲人松陵人

魚海蕭條萬里霜西風一哭斷人腸
勸君休望合支塞木葉山頭是故鄉
其二

此去流人路幾千長虹亭外草連天
不知黑水西風雪可有江南問渡船
雜題

白袷春衣繫隱囊少年吹笛事甯王
武昌老者如相問翻得伊州曲幾行

梅村家藏藁卷第十九終

梅村家藏彙卷第二十

詩後集十二

七言絕句八十一首

靈巖寺放生雞四首

芥羽狸膏早擅場爭雄身屬鬪雞坊從今喚醒夫差夢粉蝶低飛過講堂

其二

縛柵開籠敢自專雲中誰許作神仙如來爲放金雞赦飲啄浮生又幾年

其三

敢笑山雞借羽毛卑栖風雨自三號湯泉夜半蓮花湧佛號鐘聲日未高

其四

雞足降頭夜雨青花冠錦臆影亭亭老莊談罷疏窗冷閒向山僧學聽經

口占贈蘇崑生四首

樓船諸將碧油幢一片降旗出九江獨有龜年卧吹笛暗潮打枕泣蓬窗

其二

有客新經墮淚碑武昌官柳故垂垂扁舟夜半聞蘆管猶把當年水調吹

其三

西興哀曲夜深聞絕似南朝汪水雲回首岳侯墳下路亂山何處葬將軍

其四

故國傷心在寢丘蒜山北望淚交流饒宅劉毅思鷺炙不比君今憶蔡州

蘇生固始人卽楚相寢丘也

讀史有感八首

彈罷薰絃便薤歌南巡翻似爲湘娥當時早命雲中駕誰哭蒼梧淚點多

其二

重壁臺前八駿蹄歌殘黃竹日輪西君王總有長生術忍向瑤池不並棲

其三

昭陽甲帳影嬋娟慚愧深恩未敢前催道漢皇天上好從容恐殺李延年

其四

茂陵芳草惜羅裙青鳥殷勤入暮雲從此相如羞薄倖錦衾長守卓文君

其五

玉靶青弓月樣關六宮走動射鵰才黃山院裏長生鹿曾駕昭儀翠輦來

其六

爲掣瓊窗九子鈴君王晨起婕妤好醒長楊獵罷離宮閉放去天邊玉海青

其七

上林花落在芳尊不死鉛華只死恩金屋有人空老大任它無事拭啼痕

其八

銅雀空施六尺牀玉魚銀海自茫茫不如先拂西陵枕扶下君王到便房
爲楊仲延題畫冊

歷陽山下訪潛夫指點雲峰入畫圖爲讀劉郎廳壁記過江煙雨作姑蘇
偶得三首

其二

莫爲高賢畏告緡百金中產未全貧只因程鄭吹求盡卻把黔婁作富人

其三

家居柳市匿亡逃輕俠爲生舊鼓刀一自赤車收趙李探丸無復五陵豪

金城少主欲還家油犢車輕御苑花望斷龍堆無雁字黑河秋雨弄琵琶

題畫四首

澤路千山遠訟堂江程到日海城荒王郎妙手驅名勝廳壁雲生見大行

其二

八詠樓頭翠萬重使君家傍洞門松不知尺許蒼茫裏誰是雙溪第一峰

其三

臺池蕭瑟故園秋庾嶺朱輪感昔游文采尙存先業廢紙窗風雨寫滄洲

其四

太守囊惟賣畫錢琴書長在釣魚船長官近欲知名姓築屋江村擬種田

夜游虎丘八首

次顧西嶽侍御韻

試劍石

石破天驚出匣時中宵氣共斗牛期魚腸葬後應飛去神物沉埋未足奇

王珣故宅

捨宅風流尙可追王郎別墅幾人知卽今誰令桓公喜正是山花欲笑時

千人石

碧樹珠欄白足僧相攜劉尹與張憑廣場月出貪趺坐天半風搖講院燈

顏書石刻

魯公戈法勝吳鉤，決石錐沙莫與儔。
火照斷碑山鬼出，劍潭月落影悠悠。
劍池

百尺靈湫風雨氣，星星照出魚鴈字。
韃韃夜半語空中，無人解識興亡意。
可中亭

白石叅來共此心，一亭矯立碧潭深。
松間微月窺人澹，似識高賢屐齒臨。
悟石軒

築居縹緲北良常，有客逢僧話石廊。
仙佛共參惟此石，白蓮花發定中香。
後山月黑不見

畫燭燒來入翠微，更邀微月映清輝。
欲窮千里登臨眼，笑約重游興不違。
戲題士女圖十二首

一舸

霸越亡吳計已行，論功何物賞傾城。
西施亦有弓藏懼，不獨鴟夷變姓名。
虞兮

千夫辟易楚重瞳，仁謹居然百戰中。
博得美人心肯死，項王此處是英雄。
出塞

玉關秋盡雁連天
積裏明駝路幾千
夜半李陵臺上月
可能還似漢宮圓

歸國

董逃歌罷故園空
腸斷悲笳付朔風
贖得蛾眉知舊事
好修佳傳報曹公

當壚

四壁蕭條酒數升
錦江新釀玉壺冰
莫教詞賦逢人買
愁把黃金聘茂陵

墮樓

金谷妝成愛細腰
避風臺上五銖嬌
身輕好向君前死
一樹梨花到地消

奔拂

歌舞侯門一見難
侍兒何得脫長安
樂昌破鏡翻新唱
換取楊公作舊官

盜絹

令公高戟妓堂開
黃耳金鈴護綠苔
博浪功成倉海使
綠何輕爲美人來

取盒

銅雀高懸漳水流
月明飛去女諮謀
何因不取田郎首
報與官家下魏州

夢鞋

玉釵敲斷紫鸞雛
雜消息聲華滿帝都
能致黃衫偏薄倖
死生那得放狂夫

驪宮

天上人間恨豈消雙星魂斷碧雲翹成都亦有支機石烏鵲難填萬里橋

蒲東

背解羅襦避月明乍涼天氣爲多情紅娘欲去喚鐘動扶起玉人釵半橫
題寒香勁節圖壽袁重其節母八十

東籬漉酒泛芳樽處士傳家湛母恩散盡霜花長不落鐘龍風雨夜生孫
烏棲曲

沉香爲笮錦爲牽白玉池塘翡翠船芙蓉翻水鴛鴦浴盧郎今夜船中宿
讀陳其年邗江白下新詞四首

漫寫新詞付管絃臨春奏妓已何年笑宅狎客無才思破費君王十萬箋
其二

鈿轂珠簾燕子忙宮人斜畔酒徒狂阿麀枉奏平陳曲水調風流屬窈娘
其三

落日青溪載酒時靈和垂柳自絲絲沈郎莫作齊宮怨唱殺南朝老妓師
其四

治習春來興未除
豔情還作過江書
長頭大鼻陳驚坐
白袷諸郎總不如
題思翁做趙承旨筆

奈山雲接弁山遙
茗雪扁舟景色饒
羨殺當時兩文敏
一般殘墨畫金焦
李青城七十有六
以自壽詩積閨平
分日耄年之句索
和余題一

絕贈之

詞家老宿號山農
移得青城入九峰
細數餘分添甲子
黃楊千歲敵喬松
偶成

關河蕭索暮雲酣
流落鄉心太不堪
書劍尙存君且住
世間何物是江南
題冒辟疆名姬董白小像八首并序

夫笛步麗人出賣珠之女弟
雉臯公子類側帽之叅軍
名士傾城相逢未嫁人
諧嫵婉時遇漂搖則有白下權家蕪城亂帥阮
佃夫刊章置獄高無賴
爭地稱兵奔迸流離纏綿疾苦支持藥
裏慰勞羈愁苟君家免乎勿復相顧甯吾身死耳
邊恤其勞已矣夙心終焉薄
命名留琬珍跡寄丹青
嗚呼鍼神繡罷寫春蚓
於烏絲茶癖香來滴秋花之紅露
在軼事之流傳若此奈餘哀

之惻愴如何鏡掩鸞空絃摧雁冷因君長恨發我短歌詒以八
章聊當一嘅爾

射雉山頭一笑年相思千里草芊芊偷將樂府類名姓親擊雲璈第幾仙

其二

珍珠無價玉無瑕小字貪看問妾家尋到白隄呼出見月明殘雪映梅花

其三

鈿鼓春郊鬪畫裙捲簾都道不如君白門移得絲絲柳黃海歸來步步雲

其四

京江話舊木蘭舟憶得郎來繫紫駟殘酒未醒驚睡起曲闌無語笑凝眸

其五

青絲濯濯額黃懸巧樣新妝恰自然入手三盤幾梳掠便攜明鏡出花前

其六

念家山破定風波郎按新詞妾唱歌恨殺南朝阮司馬累儂夫婿病愁多

其七

亂梳雲髻下放樓盡室倉黃過渡頭細合金釵渾拋卻高家兵馬在揚州

其八

江城細雨碧桃邨
寒食東風杜宇魂
欲弔薛濤憐夢斷
墓門深更阻侯門
又題董君畫扇二首

其二

湘君浥淚染琅玕
骨細輕勻二八年
半折秋風還入袖
任他明月自團圓
古意六首

其二

爭傳婺女嫁天孫
纔過銀河拭淚痕
但得大家千萬歲
此生那得恨長門

其三

荳蔻梢頭二月紅
十三初入萬年宮
可憐同望西陵哭
不在分香寶履中

其四

從獵陳倉怯馬蹄
玉鞍扶上卻東西
一經輦道生秋草
說著長楊路總迷

其五

玉顏憔悴幾經秋
薄命無言祇淚流
手把定情金合子
九原相見尙低頭

銀海居然妬女津南山仍錮慎夫人君王自有宅生約此去惟應禮玉真

其六

珍珠十斛買琵琶金谷堂深護絳紗掌上珊瑚憐不得卻教移作上陽花

倣唐人本事詩四首

聘就蛾眉未入宮待年長罷主恩空旌旗月落松楸冷身在昭陵宿衛中

其二

錦袍珠絡翠兜鍪軍府居然王子侯自寫赫蹏金字表起居長信閤門頭

其三

藤梧秋盡瘴雲黃銅鼓天邊歸旆長遠愧木蘭身手健替耶征戰在他鄉

其四

新來夫婿奏兼官下直更衣禮數寬昨日校旗初下令笑君不敢舉頭看

題錢黍谷畫蘭

爲袁重其稜祝

謝家燕子鬱金堂玉樹東風遶長帶得宜男春鬪草衆中推讓杜蘭香

其二

北堂萱草戀王孫膝下含飴阿母恩錯認清郎貪卧雪生兒強比魏蘭根

題王石谷畫二首

綠樹參差倚碧天，波光欲澹尙湖船。煙巒自遠王維墅，不必重參畫裏禪。

其二

初冬景物未蕭條，紅葉青山色尙嬌。一幅天然圖畫裏，維摩僧寺破山橋。

臨終詩四首

忍死偷生廿載餘，而今罪孽怎消除。受恩欠債應填補，總比鴻毛也不如。

其二

豈有才名比照隣，發狂惡疾總傷情。丈夫遭際須身受，留取軒渠付後生。

其三

胸中惡氣久漫漫，觸事難平任結蟠。魂壘怎消醫，怎識惟將痛苦付洑瀾。

其四

姦黨刊章誣告天，事成糜爛豈徒然。聖朝反坐無冤獄，縱死深恩荷保全。

梅村家藏藁卷第二十終

梅村家藏彙卷第二十一

詩後集十三

詩餘小令中調六十首

望江南一十七首

江南好聚石更穿池水檻玲瓏簾幕隱杉齋精麗綠垣低木榻紙窗西

又

江南好翠翰木蘭舟窄袖袂衣持織女短簫急鼓采菱謳逆槳打潮頭

又

江南好博古舊家風宣廟乳爐三代上元人手卷四家中殿盒關雞鍾

又

江南好蘭蕙伏盆芽茉莉縷藏新茗椀木瓜香透小窗紗換水膽瓶花

又

江南好蒲博擅縱橫紅鶴入番金葉子立盧五木玉楸枰擲采坐人傾

又

江南好茶館客分棚走馬布簾開玉肆博羊錫鼓賣山亭傀儡弄參軍

又

江南好皓月石塲歌一曲輕圓同伴少十反應細聽人多絃索應雲鍾

又

江南好黃爵紫車螯雞臚下豉澆苦酒魚羹加芼擣丹椒小吃砌宣窰

又

江南好櫻筍薦春羞梅豆漸黃採鶴頂芡盤初軟剝雞頭橘柚洞庭秋

又

江南好機杼奪天工孔翠裝花雲錦爛冰蠶吐鳳霧綃空新樣小團龍

又

江南好獅子法王宮白足禪僧爭坐位黑衣宰相話遭逢拂子塞虛空

又

江南好開掃鬪新妝鴉色二盤安鈿翠雲鬟一尺壓蛾黃花讓牡丹王

又

江南好豔飾綺羅仙百襴細裙金線柳半裝高屨玉臺蓮故故立風前

又

江南好繡帥出銀神霧鬢湘君波窈窕雲幢大士月空明刻畫類天成
又

江南好巧技棘爲猴髯漆湘筠香墊几戩金螺鈿酒承舟鈹鏤匠心搜
又

江南好狎客阿儂喬趙鬼擲揄工調笑郭尖儂巧善詼嘲幡綽小兒曹
又

江南好舊曲話湘蘭薛素彈丸豪士戲王微書卷道人看一樹柳摧殘
如夢令

鎮日鶯愁燕懶徧地落紅誰管睡起熱沉香小飲碧螺春盃簾捲簾捲一
任柳絲風軟

又

誤信鵲聲枝上幾度樓頭西望薄倖不歸來愁殺石城風浪無恙無恙牢
記別時模樣

又

小閣焚香閒坐城城紙窗風破女伴有誰來管領春愁一箇無那無那斜

壓翠衾還卧

又

煙鎖畫橋人病燕子玉關歸信報道負情儂屈指還家春盡休聽又是海棠開近

又

昨夜酒闌人醒移過玉人鴛枕同到瑣窗前照見一簾花影誰肯誰肯不怕月明風冷

生查子

青鎖隔紅牆撇下韓嫣彈花底玉鷄嘶立在垂楊岸 纖指弄東風飛出銀箏雁寄語畫樓人留得春光半

又

香煖合歡襦花落雙文枕嬌鳥出房櫳人在梧桐井 小院賭紅牙輪卻蒲桃錦學寫貝多經自屑泥金粉

又 旅思

一尺過江山萬點長淮樹石上水潺潺流入清谿去 六月北風寒落葉

無朝暮度越與穿雲林黑行人顧

點絳脣

蕉園

細骨姍姍指尖拂處嬌絃語著水撩人點點飛來雨
撲罷流螢帳底輕風舉眠無主誤黏玉體印得紅絲縷

浣溪沙

斷頰微紅眼半醒背人驀地下堦行摘花高處賭身輕
細撥薰爐香線繞嫩塗吟紙墨欹傾慣猜閒事爲聰明

又

一斛明珠孔雀羅湘裙窄地錦文鞞紅兒進酒雪兒歌
石黛有情新月皎玉簪無力暖雲拖見人先唱定風波

菩薩蠻

江天漠漠寒雲白長橋客醉閒吹笛沙嘴荻花秋垂蘿拂釣舟
危峰欹半倚仄徑蒼苔屐欲上最高亭遠山無數橫

減字木蘭花

題畫

藤谿竹路鳥道無人雲獨過鹿柵猿栖布襪青鞋客杖藜
江頭尺鯉展

罷生綃天欲雨記得曾游古木包山五月秋

又 詠足

香跌印淺不瀉春泥紅一寸羅襪鈎鈎點拍輕勻小鳳頭
歸來露滑醉把雙纏微笑脫撥醒檀郎眼底端相白似霜

醜奴兒令

落紅已拂雕闌近入手枝低莫肯高飛費盡東風著力吹
分明燕子腳來到因甚差池墜在污泥惹動游絲不自知

又

溪橋雨過看新漲高柳鳴蟬荷葉田田指點兒童放鴨船
前村濁酒沾來醉今夜涼天明月初圓一枕西窗自在眠

又

低頭一霎風光變多大心腸沒處參詳做箇生疏故試郎
何須抵死推儂去後約何妨卻費商量難得今宵是乍涼

清平樂 題雪景

江山一派換出瓊瑤界凍合灘舟因訪戴沽酒南村誰賣
草堂風雪雙

扉畫圖此景依稀再補吾廬佳處露橋一笠僧歸

浪淘沙

題畫

枉自苦凝眸腸斷歸舟依然明月舊南樓報道孫郎消息好楊柳風流
花意落銀鈞一寸輕柔生綃不剪少年愁看取幽蘭啼露眼心上眉頭

又

葉午

纏臂綵絲繩妙手心靈珍珠嵌就一星星五色疊成方勝小巧樣丹青
刻玉與裁冰眼見何曾葫蘆如豆虎如蠅旁繫纍絲銀扇子半黍金鈴

又

枇杷

上苑落金丸黃鳥綿蠻曉窗清露濕離盤恰似戒珠三百顆琥珀沉檀
纖手摘來看香色堪餐羅衣將褪玉漿寒怕共危圓同薦酒學得些酸

柳梢青

紅粉牆高風吹嫩柳露濕天桃扇薄身輕香多夢弱腸斷吹簫誰能一
見相拋動人處詩成彩毫帳底星眸窗前皓腕又是明朝

西江月

靈巖
題法

昔日君王舞榭而今般若經臺千年霸業總成灰只有白雲無礙看取

庭前柏樹那些石上青苔殘山廢塔講堂開明月松間長在

又 詠別

烏鵲橋頭夜話櫻桃花下春愁廉纖細雨綠楊舟畫閣玉人垂手 紅袖
盈盈粉淚青山剪剪明眸今宵好夢倩誰收一枕別時殘酒

又

詠雪望
僧伽像

透出光明眼耳忍來冰雪心腸坐時兩手且收藏捏弄兒童無狀 著體
生成冷絮開門自在齋糧大千世界儘銀裝到得來朝一樣

又 春思

嬌眼斜迴帳底酥胸緊貼燈前匆匆歸去五更天小膽怯誰瞧見 臂枕
餘香猶膩口脂微印方鮮雲蹤雨跡故依然掉下一牀花片

南柯子

涼枕

頰印紅多暈釵橫響易尋美人一覺在花陰怕是耳珠鈎住鬢雲侵 有
分投湘簾無綠伴錦衾眼多卿溜爲知音受盡兩頭牽繫像人心

又 竹夫

玉骨香無汗從教換兩頭受人顛倒被人勾只是更無腸肚便風流 嬌

小通身滑玲瓏滿眼愁有些情性欠溫柔怕的一時拋擲在深秋

鵲橋仙

園林晚霽池塘新漲明月窺人縹緲萬木陰森穿影過驚噪起一羣山鳥
纖雲暗度銀河斜轉露濕桂花香悄少年此夜不須眠把鐵笛橫吹到
曉

南鄉子 新浴

皓腕約金環豔質生香浸玉盤曲曲屏山燈近遠偷看一樹梨花露未乾
扶起骨珊珊裙袂秋風來怯是單背立梧桐貪避影更闌月轉迴廊半臂
寒

又 春衣

玉尺剪裁工鬪色衣衫巧樣縫深淺配來纖手綻重重蒲紫蒲青雅澹中
斜領叩金蟲透肉生香寶袜鬆茜袖半垂鴉襪淺從容百折羅裙細細
風

又 牡丹

高聳翠雲寒時世新妝喚牡丹豈是玉樓春宴罷金盤頭上花枝鬪合歡

著意畫煙鬟用盡玄都墨幾丸不信洛陽千萬種爭看魏紫姚黃總一般

臨江仙 逢舊

落拓江湖常載酒十年重見雲英依然綽約掌中輕燈前纔一笑偷解研
羅裙 薄倖蕭郎憔悴甚此生終負卿卿姑蘇城外月黃昏綠窗人去住
紅粉淚縱橫

又 過嘉定感懷侯研德

苦竹編籬茅覆瓦海田人廢重耕相逢還說廿年兵寒潮衝戰骨野火起
空城 門戶凋殘賓客在淒涼詩酒侯生西風又起不勝情一篇思舊賦
故國與浮名

醉春風 春思

門外青驄騎山外斜陽樹蕭郎何事苦思歸去去燕子無情落花多恨
一天憔悴 私語牽衣淚醉眼悞人覩今宵微雨怯春愁住住住笑整鸞
衾重添香獸別離還未

又

眼底桃花媚羅襪
人處四肢紅玉軟
無言醉醉醉
小閣迴廊玉壺茶暖
水沉香細
重整蘭膏膩
偷解羅襦繫
知心侍女下簾鈎
睡睡睡
皓腕頰
移雲鬢
低擁羞眸斜睇

江城子 風鶯

柳花風急賽清明
小兒擎走傾城一紙身
驅便欲上天行
千丈游絲收不住
纔跌地
倏無聲
憑誰牽弄再飛鳴
御風輕
幾人驚
江南二月聽呼鷹
趙瑟秦箏
天外響
彈不盡
海東青

千秋歲 題袁重其侍母弄孫圖

吳中佳士獨有袁
絲耳營筆墨供甘旨
但期慈母笑
敢告吾勞矣
願只願
年年進酒春風裏
少婦晨妝起
抱得佳兒侍
珠一顆
駒千里
石麟天上
送蠟鳳
階前戲
回首道
待看見
長還如此

風入松 題和州守楊仲延所寄鷹阿山人戴君畫

長松落落蔭南岡
亂山橫砌銀塘
梅花消息經年夢
慢支頤
老屋繩牀
几風吹散帙
紙窗雨洗疏篁
丹青點染出
微茫
妙手過倪黃
寒雲流水
閒憑弔
誰能認
當利橫江翰墨
幽人小戴文章
太守歐陽

永遇樂 壽江林有郡丞

二水東流千山西擁中有英彥漢重言詩齊推善賦綵筆彤墀薦大堤驄馬五嶺朱幡移向吳雲一片看油幢譚笑丰神紫氣佳哉葱蒨華堂開處楊柳千條拂面玉簫金管茉莉香清枇杷果熟五月榴花宴黃梅雨足綠野陰濃盡說太平重見願使君長把瑤觴輕揮紈扇

紅林擒近 春思

龜甲屏還掩博山香未焦鸚鵡煖猶睡鷺鷥上花梢醒來擡身半晌細雨濕夢無聊女伴戲問春宵笑頰暈紅潮黛眉新月偃羅襪小蓮初更衣籠鬢背人自折櫻桃怨玉郎起早日長倦繡小樓花落吹洞簫

金人捧露盤 觀演秣陵春

記當年曾供奉舊霓裳歎茂陵遺事淒涼酒旗戲鼓買花簪帽一春狂綠楊池館逢高會身在他鄉喜新詞初填就無限恨斷人腸爲知音仔細思量偷聲減字畫堂高燭弄絲簧夜深風月催檀板顧曲周郎

柳初新 閨思

畫欄深鎖鴛鴦暖照素影花枝軟綠雲斜暎寶釵欲墜倦起日高猶嬾噴

道是風簾捲半擡身情開嬌眼 閣外青山點點問平疇綠燕誰慘玉
嘶去欲窺還避肩倚侍鬢微掩凝望處雙眉斂似不禁燕拍鶯管

梅村家藏彙卷第二十一終